

INSAIT:

Bikpela meri bung bilong AOG...

P14 na 15



BPNG na BSP bai wok bung long Maikro-fainens Projek - p8

PIH Saveman *Nius* Niupela Helt nius olgeta wik insait long pes 7...

Stanley Nondol i raitim

Kantri i no kisim winmani bilong LNG ges yet

Winmoni bai kam neks yia

PAPUA Niugini i salim pinis gas i go aut long wol maket tasol winmani i no kam insait long kantri yet. Na gavman i tokaut olsem winmani bai kam insait long neks yia, 2015.

Gavana bilong Hela provins Anderson Agiru i mekim tok klia las wik olsem winmani bai kam stat long neks yia. Em i mekim dispela tok klia bihain long ol papagraun i komplem olsem kantri salim ges pinis na ol i no kisim mani aninit long agrimen bilong LNG projek.

Mista Agiru i tok kantri mekim 25 sipmen pinis. Wan wan sipmen i mekim \$US50 milien dola o K126 milien.

Mista Agiru i tok ol winmani na ol sevis bilong LNG ges bai kam 6-pela mun bihain long Oktoba i go long nesanel gavman na 12 mun bihain i go long ol provinsal gavman.

Em i tok kondisen bilong dispela mani em olsem Exxon Mobil i laikim ges projek bai ran gut olsem na bai mani i no inap kam hariap long kantri, na i go long provinsal na nesanel gavman.

Mista Agiru i tok ol developmen program bilong ges bai kam sampela taim bihain na i no inap kamap kwiktaim.

Em i singaut long ol pipel bilong Hela na kantri long mas save long rot bilong kain bisnis na stap isi na wet.

Longy wankain taim memba bilong Kandep Don Polye i tok i no stret long O'Neill gavman i no stretim Soveren Welt Fan (SWF) pastaim na salim ges go aut long wol maket.

I go moa long pes 2...



OL meri Pasifik na Australia i kam long bikpela bung bilong Asembli ov God Nesanel Meri konvensen long Jubilee Koles hia long PNG. *Poto: Nicky Bernard. Lukim moa stori na piksa long Pes 14 na 15...*

DEBT



Is the weight too much?

Transfer your balance and we will pay off your DEBT.

✓ Low Interest @1% p.m

✓ Suitable Terms & Conditions

✓ Flexible Repayment Terms

✓ Accessible

✓ Affordable

watch your savings grow

Apply Now!

Contact your nearest TISA Office

marketing@tsl.org.pg

www.tsl.org.pg

PORT MORESBY: 300 2200 | LAE: 472 4933 | MT. HAGEN: 542 2733 | KOKOPO: 982 8256 | GOROKA: 532 3511 | ALOTAU: 641 0161 | MADANG: 422 2306

KAVIENG: 984 1177 | WEWAK: 456 1177 | BUKA: 973 9400 | MANUS: 970 9198 | KIMBE: 983 4045 | VANIMO: 457 1398 | POPONDETA: 629 7406 | SALIBU: 540 1758



Gavman i nogat polisi bilong pawa: Basil

Stanley Nondol i raitim

GAVMAN i nogat polisi bilong stretim pawa na mekim moa winmani long sapotim baset bilong kantri. Na nau em i laik salim i go long wanem praivet kampani em (gavman) yet i save long en. Yumi ol pipel i mas sanap na singaut long gavman i no ken salim, tasol i mas stretim na menesim gut.

Dispela em wari bilong deputi oposisen lida, Sam Basil. Mista Basil i mekim dispela toktok bihain long Minista bilong Pablik Entaprais, Ben Micah i tokaut olsem

gavman bai salim 50 pesen bilong PNG Pawa i go long praivet kampani.

Mista Micah i tok tu olsem dispela em disisen bilong kabinet na gavman bai go het long lukim olsem dispela disisen bilong NEC i karim kaikai.

Mista Basil i tok gavman i no gat polisi na em i sutim tok long PNG Pawa na tu ol arapela aset bilong kantri long i no mekim winmani na i tokaut long salim long mekim winmani.

Mista Basil itok wok bilong gavman em long mekim gutpela polisi na menesim gut bisnis bilong pipel

long mekim winmani na sapotim baset bilong kantri.

"Haidro pawa em wanpela gutpela rot gavman i mas lukluk long promotim na kamapim wan wan haidro pawa long ol distrik na provins long daunim ol hevi bilong pawa," Mista Basil i tok.

"Kantri i gat tupela bikpela haidro pawa tasol na 19 provins i yusim disil jenereta long kisim pawa saplai na planti hevi iwok long kamap."

"Em i no stret long gavman i salim bisnis bilong pipel," Mista Basil i tok.

Mista Basil i tok gavman i save

trik long salim bisnis bilong pipel i go long wantok bilong ol. Em i tok gavman i mas makim ol man i gat save na eksperiens long wok long menesim ol bisnis bilong pipel long mekim winmani.

"Gavman i makim ol nambawan bos bilong kampani tasol ol dispela lain i no gat inap save na ol i no menesim gut. Planti taim yumi harim mani i lus long pasin korapsen long ol bisnis bilong gavman" Mista



Deputi oposisen lida, Sam Basil

Basil i tok.

"Bihain long en gavman i save sutim tok long stet aset i no mekim mani na ol i laik salim long ol praivet kamapni," em i tok.

Ol Lae polis kisim ol nupela gan

Bustin Anzu i raitim

GAVANA bilong Morobe, Kasiga Kelly Naru i bin presenim Lae polis wantaim ol nupela gan, na mekim bikpela tok lukaut long ol i mas yusim long wok bilong ol. Sapos ol i no mekim olsem, em bai rausim sapot bilong em long wok bilong polis.

Naru i tok wok bilong polis em long givim gutpela sevis long ol manmeri long raun fri, kaikai na slip gut na i no wantaim kainkain hevi.

"Mi no givim ol dispela gan long yu yusim wantaim yunifom na kamap olsem ol kauboi. Mi mas tokaut na tok klia long bos bilong polis long Lae olsem sapos mi harim olsem ol polis i karim gan na bagarapim ol pablik.

"Sapos yu olsem bos bilong ol i no mekim wanpela samting long disiplinim ol wokman meri bilong yu, bai mi stopim sapot bilong mi long polis," Naru i tok. Em i mekim dispela

strongpela tok lukaut bihain long baim 13-pela gan wantaim 4000 kares i go long polis long las mun.

Gavana i wokim dispela presentesen long ai bilong Siaman bilong lo na oda na presiden bilong Burum/Kuat Lokol Level Gavman long Finsafen Ali Hetuke, Meya bilong Lae Siti, Trulie Koime Leahy na siaman bilong Sios Patnasip Program na presiden bilong Erap/Wain Lokol Level Gavman, Charlie Foike.

Siaman bilong Human Risos na Presiden bilong Ahi Lokol Level Gavman, James Agi, na siaman bilong Helt na Presiden bilong Kapao long Menyamy Zepky Yokito, tu i bin stap long dispela bung.

Australia Federal Polis Inspekta Peter Murphy, bos bilong Opreesen bilong Polis Sif Inspekta Thomas Pomoso, Lae polis stesin Komanda Sif Inspekta, Kiveri Kesambi, na ol narapela bos bilong

polis tu i witnessim dispela hand over-take over.

Dispela em i antap long 5-pela 10-sita polis kar em baim long mani mak bilong K500, 000 long Provinsel Sevis Impruvmen Program (PSIP) long las yia, aninit long PSIP lo na oda wok. Aninit long sem program, em baim wanpela polis kar na bot bilong Siassi.

Em i tok insait long narapela 3-yia aninit long PSIP lo na oda, em bai mekim olsem long ol 9-pela distrik hetkwata bai karim aut wok bilong lo na oda.

"Nau mi amamas long givim ol dispela gan i go long polis insait long Lae siti. Lo na oda em i wanpela bikpela samting insait long kantri. Long ol bikpela siti olsem Lae, we em kamap olsem wanpela bikpela indastrial siti, ol i mas lukautim ol bisnis na dispela bai lukim ol bisnis i ron gut," Gavana Naru i tok.

Gavana Naru i tok tu

olsem givim ol gan long polis long Lae na long narapela hap polis bilong kantri, em long mekim gut wok bilong ol. Wok bilong ol em long lukautim ol manmeri na ol samting o propeti bilong ol. Na dispela bai mekim ol slip wantaim amamas na wok gut.

Lae Siti polis bos Sif Superintendent Iven Lakatani i amamas long ol dispela gan long wanem, em bai givim ol strong long mekim wok bilong ol insait long siti na long provins tu.

Em i tok Lae i stap long senta hap na planti wok developmen i wok long kamap. Na dispela i soim olsem ol hevi tu i go wantaim. Na dispela ol gan na sapot bilong Gavana long bihaintaim bai givim ol strong long wok.

Polis bos i tok ol bai yusim long wok bilong polis na ino inap yusim long ol narapela rot bilong bringim hevi igo insait long polis.

Belwari Papa i no wanbel long wok bilong ol polis

MARTIN Kai, 45krismas, bilong Ihu Galp provins i no wanbel na i gat bikpela belwari olsem man (saspek) husat i kilim dai pikinini bilong em i kam aut long kalabus bikos polis i no givim kot pail i go long kot.

Mista Kai i putim komplek bilong em long polis long wok painim bai kamap gen long dai bilong pikinini bilong em na lo i mas mekim save long husat polis opisa i mekim wok painim na wok long ripot na i no givim long kot.

Mista Kai i gat komplek olsem ol ripot bilong dai bilong pikinini bilong em, ol polis i kisim pinis bihain long posmotem ripot bilong haussik tasol ol i no givim long kot wantaim ol stemen bilong witness. Dispela i lukim kot i rausim kies long nogat evidens ripot bilong polis.

Long mun Februeri 18, 2011, polis long Pot Mosbi i arestim wanpela man i gat 25 krismas na em bilong Galp miks Noten bihain long ol i bihainim ripot bilong man i dai long naif klostu long Kila bareks long NCD.

Mista Kai i tok pikinini bilong em Michael i gat 22 krismas i bin kros pait wantaim ol spakman na bihain long en ol i kisim em i go long Mosbi haussik taim ol i katim em long naif. Michael bin dai long haussik na polis i arestim man husat i katim.



Belwari papa, Martin Kai.

Wanpela wik bihain long Michael i dai, papa bilong em i go long Mosbi haussik long kisim dai ripot tasol i bin painim aut olsem wanpela polis detektiv husat i mekim wok painim long dia bilong Michael i go sainim na kisim ripot bilong Michael pinis.

"Mi go long Boroko Polis Stesen long Mas 23, 2011 long painimaut wantaim dispela polis detektiv (I givim nem) tasol em tokim mi olsem dokta husat i mekim operesen long bodi bilong Michael i go ovasis na ripot i no redi yet," Mista Kai i tok.

Em i tok dispela polisman husat i mekim wok painim long dai bilong Michael i bin pulap long sem taim em i soim wanpela pepa o pas long haussik long em i tokaut olsem i gat sikheta na det (Mas 22, 2011- taim em (polisman) i go kisim ripot.

Mista Kai i tok, "Mi go bek long Boroko Polis Stesen Komenda planti taim bihain long en na em i tokim mi olsem dispela saspek bai ol polis i arestim em gen na bai kisim sas tasol polis i no arestim em i kam inap nau".

"Mi lukim dispela olsem ol i lukim keis na lusim long sait bilong polis. Pikinini bilong mi ol kilim dai na maski i gat klia luksave long saspek, polis i feil long wokim ripot na givim evidens long kot na lukim man kilim pikinini bilong mi indai i wokabout long fridom,"

Pomasi praimereri skul amamasim developmen

Sape Metta i raitim

BIKPELA selebresen na pasin amamas i bin kamap long taim ol pipel bilong Pomasi komyuniti long Kainantu distrik, Isten Hailans wantaim ol sumatin na ol tisa bilong Pomasi praimereri na elementeri kkul i bin opim ol infrastraksa developmen bilong skul long wik i go pinis.

Het tisa bilong skul Francis Koke i bin go pas wantaim skul bod long kirapim Pomasi Praimereri na elementeri skul long 2005, i tok em i amamas long ol pemanen klasrum bilding na haus slip bilong ol tisa i kirap. Em i tok skul i ken go het long

givim edukesen sevis i go long ol sumatin long Pomasi komyuniti na ol sumatin long ol narapela haus lain komyuniti i stap klostu.

Mista Koke i tok, skul i bin gat hevi na i bin pas long sampela taim i kam inap long 2005 taim em i go olsem wanpela senia tisa. Na bihain long em i kamap olsem hetmasta bilong skul, em i bringim Schools Learning Improvement Plen (SLIP) i go insait long skul.

Bihain long narapela 3-pela yia, skul i stat long develop na planti gutpela senis i kamap we em i go het long kisim tu ol gret 8 sumatin husat bai greduet

long namba wan taim long pinis bilong dispela yia.

Mista Koke i tok amamas long skul bod na ol papamama husat i bin mekim planti hatwok long bringim skul i kam bek, kamapim ol infrastraksa developmen na bildim skul i go antap.

Em i tok amamas tu long memba bilong Kainantu Johnson Tuke, deputi provinsal edministreta Ben Ulopo, Senia Isten Hailans Edukesen Stendets Opisa bilong praimereri skul Mupe Kaupa, ol lokal kaunsila na ol narapela bikman na meri husat i bin kamap na long lukim ol nupela klasrum na haus slip bilong ol tisa long Pomasi praimereri na elementeri skul.

Kantri i no kisim winmoni

I kam long pes 1... bilong LNG ges yet

Mista Polye i tok ol ol provinsal gavman bilong LNG projek, ol papagraun bilong LNG na pipel bilong kantri bai no inap kisim ol sevis long winmani bilong LNG bikos gavman i kisim planti dinau mani long ausait kantri na i gat agrimen stap long LNG winmani bai bekim ol dispela dinau.

Em i tok ol pipel bilong kantri i no ken gat bilip olsem bikpela mani bai kam insait long

kantri na ol bai lukim bikpela senis long ol developmen na laip bilong ol taim ges i go aut long wol maket.

Mista Polye i tok gavman bai bekim dinau long mani bilong LNG projek long 3-4 yia na bihain long en winmani bai kam insait.

Praim Minista Peter O'Neill i tokaut olsem gavman bilong em bai oraitim SWF long mun Oktoba long menesim mani bilong LNG projek.

Em i tok long nau em Exxon Mobil i menesim winmani.

Mista O'Neill i tok gavman i wok yet long draf bilong na i tokaut olsem bai no gat pasin korapsen kamap long menesim mani.

Mista O'Neill i tok bikpela winmani bai kam bilong LNG na gavman i mas stretim lo gut long menesim dispela mani long ol pipel long kantri bai kisim sevis.

PM askim pipel long spesim pikinini

Yakam Kelo i raitim

Praim Minista Peter O'Neill i askim ol pipel bilong Papua Niugini long kontrolim namba bilong ol pikinini long famili. Mista O'Neill i mekim dispela tok-tok long aste long amamasim 50 yia bilong Sacred Heart Praimeri Skul long Mosbi.

Mista O'Neill i tok gavman i sanap strong nau long strongim edukesen insait long kantri bai olgeta skul pikinini mas kisim gutpela edukesen long kamapim gutpela sindaun bilong ol. Long dispela as ol i statim pinis wantaim fri edukesen polisi long 2012 i kam inap nau we olgeta pikinini i no baim skul fi moa olsem bipo.

Mista O'Neill i tok gavman i no toktok tasol, em mekim eksen wantaim long tripela yia nau we olgeta pikinini i kisim fri edukesen na wok bilong gavman nau em long stretim ol bikpela skul long opim spes bai moa pikinini ken go antap na kisim gutpela edukesen olsem long yu-nivesiti na ol koles insait long kantri.

Em i tok long lukim ol pikinini i lainim gut samting long klasrum na kisim gutpela skul em long yumi mas gat gutpela spes long ol pikinini long haus na famili. Sapos yumi laikim pikinini i lainim gut samting na kisim gut save, yumi mas givim inap spes long pikinini i ken kamap gut na kisim gut skul.

Taim gavman i laik givim kwaliti edukesen, ol papamama tu mas kontrolim gut family bai ol pikinini gat sans long kisim gutpela kwaliti edukesen, Mista O'Neill i tok.

Namba bilong ol pikinini mas kam wantaim strong we papamama ken lukautim na baim ol samting ol i laikim, bai ol ken kisim gutpela save na lainim gut samting insait long dispela plen bilong gavman long kwaliti edukesen, em i tok.

Mista O'Neill i tok ol dispela senis bilong kamapim gutpela kwaliti edukesen insait long kantri bai i no inap kamap hariap tasol rot yumi kamapim isi isi nau bai kaikai bilong em bai kamap long 10 o 20 yia bihain. Em nau bai ol dispela pikinini nau long praimer skul bai kisim dispela gutpela helpim long kisim gutpela wok na gutpela sindaun long bihaintaim.

Em i tok tu olsem gavman bilong em i no toktok nating moa. Ol i givim mani go autstret long ol distrik level we ol memba i save kisim K10 milien long wan wan yia long mekim wok developmen na sevis long ilektoret bilong ol.

Sapos i gat moa mani long neks yia i go bai mipela apim dispela mak long ol memba ken mekim planti senis insait long komyuniti bilong ol, em i tok.

Long amamasim Sacred Heart Praimeri Skul, Praim Minista i givim K120,000 long skul i ken wokim nupela klasrum bilong ol bipo long neks yia. Tasol em i tok bai em i helpim wantaim tupela dabol bilding we i ken holim 8-pela klasrum. Antap long dispela bai em i givim wanpela nupela bas bilong skul.

Memba bilong Mosbi Not Wes na Minista bilong Helt na HIV na AIDS Michael Malabag i mekim bikpela tok tenkyu long Praim Minista long kam long skul insait long ilektoret bilong em.

Mista Malabag bai sanapim wanpela bilding tu we bai gat 4-pela klasrum long en. Em bin wokim pinis wanpela dabol klasrum na dispela bai nupela we em bai sanapim bipo long dispela yia i pinis.

Siaman bilong skul Mista Ben Baso i mekim bikpela tok tenkyu tru go long Praim Minista Peter O'Neill na Mista Malabag long harim singaut bilong ol na kamap long dispela 50 yia eniveseri bilong skul.

Mista Baso i tok ol i no gat hevi long wanpela samting. Bikpela hevi em long stretim sindaun na wok bilong ol tisa olsem long haus slip bilong ol na inap klasrum bilong ol pikinini.

Em i tok taim fri edukesen bin kamapim mak olsem 60 pikinini sindaun long wanpela klasrum aninit long wanpela tisa na dispela i soim olsem ol no gat inap spes bilong ol skul mangi.

Bipo em 45 pikinini long wanpela klasrum. Olsem na dispela em wanpela bikpela hevi ol mas stretim long wokim ol nupela klasrum.



PM tram aut Saki dring...

Praim Minista bilong Papua Niugini, Peter O'Neill, na Embeseda bilong Japan Morio Matsumoto i amamas long wok pren namel long tupela kantri. Poto i soim ol i mekim tous long saki dring. Poto: Isaac Liri



AN INITIATIVE OF THE PAPUA NEW GUINEA GOVERNMENT IN PARTNERSHIP WITH BSP



FIRST HOME OWNERSHIP SCHEME

MAXIMUM LOAN UP TO
K400,000

40 YEAR
TERM

4% INTEREST
RATE

ELIGIBILITY

- ✓ Be a PNG citizen
- ✓ Be employed
- ✓ Provide evidence of 10% equity
- ✓ Provide proof of stable income

If you meet the above minimum basic requirements you are eligible to apply.

REQUIREMENTS

- ✓ Provide 3 latest payslips.
- ✓ Statement of outstanding debts with other banks or lenders for last three months.
- ✓ Letter confirming employment or contract of employment.

APPLY TODAY

1. Complete a BSP Loan Application Form.
2. Submit copy of Title Deed confirming ownership of land/lease is State owned.
3. Statutory declaration confirming the acquisition is your first and will be owner occupied.

OWN YOUR HOME, SECURE YOUR FAMILY

☎ 320 1212 / 7030 1212 - 24/7

✉ servicebsp@bsp.com.pg

🌐 www.bsp.com.pg



OI DWU sumatin kisim infomesen long Ramu Projek

Rabaul taun tingim 20 yia bilong maunten paia

TUPELA grup sumatin bilong Divain Wod Yunivesiti (DWU) i bin go long Ramu NiCo (MCC) Operesen Bes long Madang long kisim ol stretpela infomesen na stori bilong Ramu NiCo Project.

Long Mande, Septemba 22 moa long 40 sumatin husat i stadi long PNG Stadis na Intenesenel Rilesens i bin go long Ramu NiCo 'Glas Haus' em operesen bes bilong kampani long harim toktok na lukim ol ripot bilong kampani. Long Tunde narapela grup sumatin we namba bilong ol i moa long 50 wantaim ol leksera bilong ol i go lukluk raun.

Ramu NiCo Koporet Afes opis i bin salim invitesen i go long ol bikpela skul, koles na yunivesiti insait long Madang provins long save gut long Ramu NiCo olsem wanpela bikpela invesmen bilong Saina long PNG, na wanem ol wok em i kamapim na wanem kain helpim em i bringim i go long ol pipel insait long eria em i wok long en, distrik, provins na kantri.

Ol sumatin i amamas long harim ol opisa bilong Ramu NiCo i givim toktok na soim ol piksa na ripot bilong Ramu NiCo Projek long stat bilong PNG gavman i sainim agrimen wantaim.

Ramu NiCo Pablik Rilesens Opisa, Mathew Yakai i tok olsem planti ol fainol yia sumatin bilong DWU bai lusim Madang na go wok long ol arapela senta long PNG, na tu sampela bi-



OI PNG Stadis na Intenesenel Rilesens sumatin bilong DWU i harim Ramu NiCo pablik rilesens opisa, James Kila i wokim presentesen long Madang Bes konpresrum.

long ol bai i no inap kam bek long Madang. Olsem na dispela kain wok-about bilong ol i go long Ramu NiCo bai givim ol sampela tingting na tu stretpela infomesen long Ramu Projek, na long taim ol i go aut, ol i ken givim stretpela infomesen long ol arapela olsem famili lain bilong ol na tu ol arapela husat i no save tumas long Ramu NiCo Projek.

Moa long en tu, ol arapela sumatin na ol tisa o leksera husat i save ritim

tasol ol stori long niuspepa nau bai gat stretpela infomesen na save long Ramu Projek, taim yet i harim long ol wokman bilong Ramu NiCo na tu kisim stret infomesen long kampani.

Ol Ramu NiCo opisa long Mande na Tunde i sambai na givim toktok na tok klia long sampela samting we ol sumatin na ol leksera bilong ol i askim.

Ol sumatin na leksera i bin askim sampela gutpela kwesten we ol lain opisa bilong Ramu NiCo i bekim gut tru.

Michael Novingu i raitim

Das i kam das i go mipela stap yet, dispela em ol singsing, singaut na ol tok save ol i raitim na karim wantaim long makim 20 krismas bilong maunten Tavurvur na Valken i pairap long 1994 na bagarapim Rabaul taun na ol ples klostu long en.

Samting olsem 200 ka na moa long 5,000 manmeri na pikinini i pulap na kapsait long Rabaul taun las wik Sarere long makim 20 krismas bilong maunten Tavurvur na Valcan i pairap na bagarapim Rabaul taun. Long wankain taim ol i amamasim Frenjepeni Festival we ol i save amamasim long olgeta yia.

Antap long ka bai lukim ol manmeri na pikinini i bilas tumbuna na singsing das i kam das i go mipela stap yet na raunim tripela taim i go long John J Seeto na tanim long Maltech inap long tripela taim.

Bihain long dispela mas memba bilong Rabaul Dokta Allan Marat i tokim ol manmeri long Maltech skul pilai graun long stap strong na no ken pret long das i kam.

Em i tok ol manmeri mas save long lukautim ol yet long taim nogut i kam.

Dokta Marat i tok olsem mipela mas wok bung wantaim long hevi i kam bai

mipela abrasim na bagarap no ken bungim mipela.

Em i tok olsem taim nogut i bungim mipela long 1994 na ol bisnis haus long Is Nu Briten na arapela provins na arapela hap bilong wol i givim helpim long mipela we tude mipela kirapim gutpela sindaun. Olsem na em mekim bikpela tok tenkyu go long olgeta lain ya wantaim helpim bilong ol.

Dokta Marat i singaut go long ol manmeri na bisnis haus long Rabaul long rispektim lo na oda na pasin bilong pipel bilong Rabaul. Em i tok olsem yu bin bon long hia, kamap long arapela provins, kantri na kam stap long hia yu mas bihain lo na oda na kastom bilong Rabaul pipel.

Em i tok yu husat manmeri i laik bikhet na mekim raskol pasin yu i no fit long stap long dispela komyuniti, yu mas kirap lusim na go bek long asples bilong yu.

Marat i tok em i laikim gutpela pasin i mas kamap long sindaun bilong ol manmeri bilong Rabaul bai lukim gutpela wok bisnis i kamap long helpim sindaun bilong ol.

Em i singaut i go long ol manmeri na ol bisnis haus long wokbung wantaim long kirapim Rabaul taun bihain long maunten paia i pairap long 1994 na bagarapim ples.

Australia i sapotim Hailans komyuniti projek

PAIPELA komyuniti bilong Jiwaka bai strongim gutpela helt, edukesen na kamapim mani wantaim helpim bilong Australia na Jiwaka Provinsel Gavman.

Ol komyuniti projek i kisim peimen long Strongim Pipol Strongim Nesen (SPSN) Smol Gren program na long Gavana bilong Jiwaka, William Tongamp.

Tupela projek bai kamapim gutpela

rot bilong ol meri i kisim mani. Is Kam-bia Kopi Groa Grup i kisim K79, 400 long wokim wanpela fam na maikro fainens projek na Jimia Nazarene Yut i kisim K71, 100 long wok bilong lukautim na salim kakaruk na pik.

Ol Kukumbmasi Wimen Grup i kisim K79, 000 long wokim wara saplai na senitesen long Minj.

Wanpela nupela skul laibreri bai

kamap long Kuima Praimeri Skul wantaim mani mak bilong K79,900, na narapela Developmen Faunden i kisim K78, 000 long kamapim wanpela lening senta long Banz.

Australia i givim K388, 600 i go long ol projek na Gavana Tongamp i putim 10 pesen, na ol komyuniti i putim sampela moa bilong inapim kos bilong wokim ol dispela projek.

Hai Komisina bilong Australia long Papua Niugini, Deborah Stokes i tok: "Em bikpela samting long tokaut long wanem hap mani i kam long en bikos dispela i soim olsem ol pipel na gavman i wok bung wantaim long stretim sindaun bilong ol meri, man na pikinini insait long komyuniti bilong ol."

Australia i givim moa K236, 000 i go long tripela komyuniti grup long Westen Hailans Provins em Pit Potato Famas Grup, Kuiyamu Komyuniti Developmen Asosiesen na Waike Helt Komyuniti Projek bilong trenim ol fama na wara na senitesen pro-



Wokman bilong Australia SPSN, Harry Gubala i kisim 10 pesen helpim mani i kam long Gavana William Tongamp bilong Jiwaka.

jek. Aninit long fanding bilong Australia SPSN i givim K13 milion long smol gren long sapotim ol wok bilong ol komyuniti long helt, edukesen, lo na jastis, jenda ikwaliti, disabiliti na sivik awenes long olgeta hap bilong PNG.

Strongim Pipol Strongim Nesen i wanpela fan program bilong Australia Gavman, i save wok patna wantaim Gavman bilong Papua Niugini long givim mani bilong helpim na strongim ol ogenaiesen husat i save mekim wok bilong jenda ikwaliti na long kamapim gutpela rot bilong helt, edukesen na disabiliti sevis. Aninit long fanding bilong

Australia SPSN i givim K13 milion long smol gren long sapotim ol wok bilong ol komyuniti long helt, edukesen, lo na jastis, jenda ikwaliti, disabiliti na sivik awenes long olgeta hap bilong PNG.

Strongim Pipol Strongim Nesen i wanpela fan program bilong Gavman bilong Australia we, i save wok patna wantaim Gavman bilong Papua Niugini long givim mani bilong helpim na strongim ol ogenaiesen husat i save mekim wok bilong jenda ikwaliti na long kamapim gutpela rot bilong helt, edukesen na disabiliti sevis.

Nupela resis bilong raitim stori bai kamap....

Isaac Liri i raitim

MINISTA bilong Turisim Ats na Kalsa, Boka Kondra, i tok gavman aninit long Ministri bilong em bai kamapim wanpela resis bilong raitim stori.

Ol manmeri bilong Papua Niugini bai gat sans long soim talen bilong ol long raitim stori, na husat i raitim gutpela stori bai kisim awod.

Nem bilong dispela awod em ol bai kolim Tourism, Arts & Culture Writing Award, na dispela resis bai stat long neks yia.

Minista Kondra i tok dispela awod em i kam aninit long 2015-2018 program bilong Ministri bilong em long strongim na helpim ol pipel bilong Papua Niugini long raitim planti moa stori na kamapim planti moa buk bilong rit.



Minista bilong Turisim, Ats na Kalsa, Boka Kondra

Em i tok Nesenel Eksekutiv Kaunsel (NEC) bai lukim dispela 2015-2018 plen bilong Ministri bilong em long dispela mun na stretim gut ol

YWAM sip selebretim independens antap long Wara Brisbane

TAIM PNG i selebretim 39 yia independens anvieseri long kantri, ol wok manmeri bilong Yut Wit A Misin (YWAM) medikol sip i amamas long lukim sampela bikpela manmeri bilong Papua Niugini i selebret wantaim ol antap long sip taim em i raun long Wara Brisbane.

Bikpela amamas i bin kamap long Fraide nait, 12 Septemba, sampela de pastaim long independens de stret we samting olsem 120 bikpela manmeri bilong gavman, bisnis na sivik komyuniti bilong PNG na Queensland i bin selebret antap long nupela medikol sip YWAM Medikol Sip, *Mv Ammari long Brisbane.*

Ekting PNG Konsul Jenerol long Brisbane, Magdalen Moi-he i bin go pas long dispela selebresen. Ol toktok i bin kam long ol bikman olsem Sir Rabbie Namaliu, pastaim Praim Minista bilong PNG.

Sir Rabbie i tokim ol lain i stap long tingim dispela strongpela wok bung na pasin wantok namel long Papua Niugini na Queensland na ol gutpela sans PNG i gat nau taim em i redi long kamap 40 yia olsem

wanpela nesen.

“Taim yumi wok long go insait long wanpela nupela kain taim olsem nesen, timwok na lidasip bai karim yumi i go,” em i tok.

Em i makim tu taim bilong YWAM long wokim fanresing bilong “Winim hatpela taim kempein” bilong painim K11.4 milien long baim nupela sip MV Ammari, em i nupela Trening na Medikol Sip bilong Sauten Rijon bilong PNG. Dispela sip bai kisim ples bilong olupela sip, *MV Pacific Link.*

Menesing Dairekta bilong ol YWAM Medikol Sip, Ken Mulligan, i tok, “Em i bikpela ona long welkamim independens de selebresen bilong dispela yia antap long *MV Ammari.* Em i gutpela moa long lukim planti ol pren bilong PNG i stap bung hia long Brisbane.”

PNG Dipatmen bilong Nesenel Plening na Monitarim i givim pinis K4 milien olsem diposit bilong baim dispela sip. Long selebresen long Fraide, ol wok manmeri bilong PNG Konsulet long Brisbane i kam bung wantaim na givim wanpela donesen, wankain taim tu Siaman bilong independen Pablik Bisnis Ko-



Sir Rabbie Namaliu, pastaim Praim Minista i toktok long taim bilong 39 yia independens selebresen antap long *MV Ammari* long Brisbane.

presen, Paul Nerau i givim wanpela donesen. Presiden Timothy Wai McKintz i bin mekim wanpela promis long nem bilong PNG Federesen bilong Queensland inc.

“Planti sapot i kam long kain kain

hap bilong sosaiti long Papua Niugini na Australia em i bikpela samting tru long mipela,” Mista Mulligan i tok.

Bikpela tok tenkyu i go long ol bikpela sponsa sapota bilong wok

bilong sip long kantri, olsem PNG Nesenel Dipatmen bilong Helt, ol provinsel gavman bilong Sauten Rijon na Morobe, interOil, Stimsip Tredim Kampani na PNG Pots Kopresen.

YWAM Medikol Sip i kamap long Milen Be

OL pipel bilong Alotau i tok welkam long YWAM Trening na Medikol Sip, *MV Pacific Link* long namba wan taim em i go long provins bilong ol long wik i go pinis.

Dispela sip wantaim ol volantia wok lain bilong sip na helt sevis makim 9-pela kantri i wok patna wantaim Milen Be Provinsel Helt Atoriti (MBPHA) long givim bilong medikol sevis long Alotau na Kiriwina Ailan.

Wok bilong helt long hap em long sekim ai na katim na stretim ol dispela i gat sik, sekim ol tit, givim praimerit helt kea, helt promosen na sapotim ol helt woklain.

Ken Mulligan, Menesing Dairekta, i tok klia olsem dispela bai las wok bilong *MV Pacific Link* pastaim long em ritaia long pinis bilong yia na ol bai kisim nupela sip *MV Ammari* long 2015.

“*MV Ammari* bai helpim mipela long kisim helt sevis i go aut long planti moa komyuniti. Tasol em i gutpela tru long mipela i mekim dispela namba wan wokabaut i kam long Milen Be wantaim dispela olupela sip long strongim wok poroman long bihain taim,” Mista Mulligan i tok.

Gavana Philemon i tok, “Gutpela wok wantaim ol patna olsem provinsel helt atoriti, ol

sios na komyuniti i bikpela samting long yumi ken skurim wok bilong kisim sevis i go moa, na em i gutpela long mipela i tok welkam long YWAM Medikol Sip i kam long Milen Be.”

CEO bilong Milen Be Helt Atoriti, Billy Naidi i tok dispela pailot ran bilong sip em i wanpela step i go insait long wok bilong kamapim MoU PHA i bin sainim wantaim YWAM long dispela yia.

“Mipela i gat bikpela bilip long strongim dispela stretijik rilesensip i go moa long bihain taim na ol pipel husat i stap longwe tru long taun bai kisim gutpela helpim,” em i tok.

PIH bai go pas long Globaton long Sande

Frieda Sila Kana i raitim

GLOBATON em i wokabaut bilong kirapim tingting bilong ol pablik long luksave olsem i gat sik kensa long wol tude na i wok long kamap bikpela. Dispela bai i namba tu taim Papua Niugini bai givim luksave long dispela wokabaut, wantaim helpim bilong Pasifik Intenesenel Haus sik (PIH).

Long Sande 28 Septemba stat long hap pas 7 long moning ol wokmanmeri bilong PIH wantaim ol narapela lain olsem PNG Kensa Faundesen, Helt Dipatmen na ol bisnis bai statim wokabaut long fran bilong PIH antap long Trimail maunten na i go raunim long Boroko na go bek gen long Trimail.

Dispela globaton wokabaut bai givim moa tok save long tripela kensa em long maus kensa, susu kensa na sevaikel kensa. Tupela bilong dispela sik i save kamap long ol meri.

Dokta Mathias Sapuri, Konsalten Obstetrisen na Gainokolojis bilong PIH i tok las yia 60,000 pipel i bin wokabaut long planti kantri long wol tasol dispela yia ol i ting namba bai i go antap long 100,000.

Meri bilong Praim Minista, Misis Linda Babao O’Neill husat em i wanpela embeseda bilong PNG Kensa Faundesen bai wokabaut wantaim ol lain bilong PIH tu long kirapim tingting. Husat i laik helpim wok bilong PNG Kensa Faundesen na long stopim sik kensa bilong susu na rot bilong karim bebi long ol meri i welkam long kamap long dispela wokabaut. I no gat fi bilong en.

Dokta Sapuri i tok olsem PIH em i namba wan long bringim marasin bilong banisim sik kensa long ol meri ol i kolim ‘Gardasil’ na nau i stap long ol meri stat long yangpela olsem 9 yia i go inap long 46 yia i ken go na kisim banis sut. Em i tok moa olsem long Australia ol i stat long givim dispela sut long ol

yangpela pikinini man tu husat i gat 9 yia krismas na i go antap.

‘Gardasil’ marasin i save kilim tripela kain virus i save kamapim kensa. Dispela ol virus i save kalap i go i kam taim ol man nameri i slip wantaim na ol man i save givim long ol meri. Olsem na ol i stat long givim sut bilong ‘Gardasil’ long ol yangpela mangi tu. Dispela em bilong wanem ol helt risets i soim olsem ol yangpela mangi na gel husat i save slip wantaim long taim ol i yangpela yet na bodi bilong ol i no kamap strong, em ol i save kisim ol kain sik olsem kensa long seviks.

Dokta Sapuri i tok, ol i toktok wantaim gavman long traun long helpim ol pablik long kisim sevis long PIH tasol i no gat gutpela toktok i kamap strong yet. “Gavman i mas kam insait long dispela wok long daunim dispela hevin au i wok long kamap long sik kensa long olmeri. Bikos praiwet sekta i wok long kam insait gut long mekim dispela bihainim gavman polisi bilong praiwet-pablik patnasip,” Dokta Sapuri i tok.

“Foti yia i go pinis long PNG ol sik we i save kamapim dai em ol sik we i save kamap long ol binatang o i save karim parasait long kamapim sik olsem malaria, T.B, lepra na kain ol sik olsem tasol nau i gat moa dai i kamap long ol sik kensa. PIH i wokim pinis dispela banis sut kempein stat long 2009 long Wes Nu Briten.

Bikpela samting em ol meri i mas go long haus sik olsem PIH na kisim pep smia na altrasken.

I gat ripot i tok olsem long PNG 5,000 meri i save dai long sik kensa na namba i wok long go antap yet. Olsem na ol meri i mas klia long olsevis nau i stap olsem mamogram bilong sekim susu kensa, pep smia bilong sekim kensa long seviks na tu, long ol meri i ken sekim susu bilong ol yet na luksave.



Gavana bilong Milne Bay, Titus Philemon na Ken Mulligan, Menesing Dairekta antao long sip.



Yut, Meri na Famili

Pastor Barbara Lunge

Dring bia long klap bilong Joel!

ATING yu nek drai na yu wok long painim wara bilong stretim nek ah?

Ating yu wok long lukluk raun painim wanem hap i gat taim bilong 'hepi aua' tasol yu no gat inap mani long baim dring inap long yu bai pulapim stret nek skrap bilong yu? O ating yu wok long askim pren bilong yu o painim kain bia we yu no inap baim long bikpela mani?

Pren, mi laik singautim yu i kam long wanpela nupela ples bilong dring em long bia klap bilong propet Joel. Em i wanpela klap we yu ken dring bia nating, no gat pe olgeta de long 24 aua, i no gat stop. Hepi 24 aua fri dring i stap long bia klap bilong Joel!

Ol dring we birua i save givim em yumi bai kolim, 'bea wain' na ol narapela strongpela dring em ol rot bilong stilim, kilim na bagarapim laip bilong yu. Planti marit i bagarap long taim man i rausim meri long divos o tupela katim marit na planti moa. Pasin bilong dring bea dring, drag na ol narapela kain dring i save pulim ol man i go long rot nogut.

Tasol wain bilong givim gutpela tingting wantaim pret long God, laikim bilong God na ol gutpela prut bilong spirit i stap long God. Kantri bilong yumi nau i mas strongim sindaun bilong ol pipel.

"...Bihain bai mi kapsaitim spirit bilong mi long olgeta manmeri. Na ol pikinini man na pikinini meri bilong yupela bai i autim tok bilong mi olsem ol profet. Na bai ol lapun man bilong yupela i driman, na ol yangpela man bai i lukim ol samt-ing olsem driman. Na long dispela taim bai mi kapsaitim spirit bilong mi tu long ol wokboi na ol wokmeri nating." Joel 2:28-29

Holi Spirit wantaim meri bilong pikinini sipsip tupela i tok, "Yu kam!" Na olgeta man i harim dispela tok, ol tu i mas tok, "yu kam!" Na wanem man nek bilong en i drai, em i mas kam. Man i laik dring, em i mas kam. Man i laik dring, em i mas kam na kisim wara bilong givim laip, em i olsem presen bilong God. (Kamapim Tok hait 22:17)

"...Yupela ol manmeri i dai long dring wara, yupela kam long mi. Yupela kam na dring. Na yupela ol lain i no gat mani, yupela kam long mi, na yupela kisim kaikai. Kam na kisim wain na susu, i no gat pe bilong en. Bilong wanem bai yupela i pinisim nating mani bilong yupela long ol samt-ing i no inap helpim yupela, na yupela i stap hangre yet? Putim gut yau long tok bilong mi, na mekim olsem mi tok, na bai yupela i pulap tru long ol kain kain gutpela kaikai mi givim yupela.

Yupela ol manmeri bilong mi, harim. Yupela kam long mi na bai yupela i stap gut. Bai mi mekim kontrak wantaim yupela, na dispela kontrak bai i stap oltaim. Na oltaim bai mi laikim yupela tu mas mekim gut long yupela, olsem bipo mi bin promis long King Devit." Aisaia 55: 1-3

Nau yumi stap long las de na Holi Spirit bilong God i karamapim Papua Niugini. Plis yu mas opim spirit bilong yu na kisim Holi Spirit. Yu mas kisim baptais long Holi Spirit na olgeta spirit bodi bilong yu bai op long yu ken pinisim tru wok bilong yu.

PNG-Japan wok pren i strong

Isaac Liri i raitim

Japan na Papua Niugini i save wok pren long bipo yet i kam inap nau, na tu, intres bilong tupela kantri i wankain long planti rot.

"Taim Papua Niugini i kisim Indipendens long 1975 i kam inap nau, Japan i luksave long Papua Niugini na helpim long planti rot, na tu, Papua Niugini i helpim Japan tu long planti rot long sait bilong givim naturel risos," Embeseda Matsumoto i tok.

Long soim gutpela wok pren namel long tupela, wanpela Maritaim Fos bilong Japan i bin kam raun long kantri long dispela wik.

Dispela raun i bin lukim ol Maritaim Fos bilong Japan i bung wantaim ol Maritaim Fos bilong Papua Niugini na toktok na serim tingting i go i kam.

Praim Minista bilong Papua Niugini, Peter O 'Neill i bin tok welkam long ol Maritaim Fos bilong Japan.

Em i tokim ol long raun gut na lukim ples, na tu, serim sampela tingting na save bilong ol wantaim Papua New Guinea, na tu, lainim sampela samt-ing long kalsa bilong Papua Niugini.

Maritaim Fos bai lusim kantri long Fonde moning.



PM O'Neill i sanap wantaim yupela meri Japan long dispela bung. Tupela meri i werim ol tumbuna klos bilong Japan ol i kolim, kimono.

Lina Yako em i Lareva Kwin

WANPELA yangpela gel, 15 krismas bilong Enga em i bin winim Mis Lareva Kwin resis long 39 aniveseri independens selebrenen long Hohola, Wod 7 long Mosbi Not Wes Iektoret.

Dispela resis bilong Lareva Kwin em i kam long tingting bilong ol Distrik Join Developmen Program komiti bilong Wod 7 bilong Mosbi Not Wes, wantaim ol narapela samt-ing ol i wokim.

Mema bilong Mosbi Not Wes na Minista bilong Helt na HIV/AIDS, Michael Malabag i bin givim K20,000 long wan wan wod long iektoret bilong em long ol bai selebretim independens de.

Tripela gel tasol i bin putim nem long resis long Lareva Kwin na Mis Lina Yako i winim. Em i kisim K1,000 olsem prais. Em bai kisim tu setifiket bilong em i resis long Lareva Kwin.

Em i bin win long mak bilong ol bilas bilong em i olgeta i stap long tumbuna bilas stret. Na tu long amamas long ol pablik long taim em i soim stail bilong em long stes.

Meri ya em i hap kas Simbu na Enga tasol em i putim bilas bilong Simbu em long mama sait.

Mama bilong Lina i tok, dispela bilas i stap long mani mak bilong K1,000 bikos ol kangal bilong koki em i K50 long wan wan na ol sel long bros bilong en i bikpela mani olsem K20 long wanpela sel. Ol yet i save wokim kamap long ol i ken bilas long en. Em i tok moa olsem, em i amamas tru na neks yia em bai mekim gut na gel bilong em bai win gen.

"Dispela yia selebrenen bilong mipela i bin kamap gut tru na i no gat wanpela trabel bikos mipela

ol JDP yet i kisim mani na i go pas long en," Justin Samuel, JDP komiti memba bilong Hohola i tok.

"Mipela i amamas long wanem samt-ing i kamap long Wod 7. Em i pulim ol yangpela i kam na ol i no go raun raun nabaut na kamapim trabel," Aila Anne, interim Presiden bilong Wod 7 mama i tok.

Olgeta grup na ol lain i mekim ol pilai na resis long dispela selebrenen tu i kisim K500.00 wan wan.



Lina Yako. Lareva Kwin.

Stokes laikim ol meri i raitim planti buk

Isaac Liri i raitim

HAI Komisina bilong Australia long Papua Niugini, Deborah Stokes, i bin amamas tru long stap lukim Crocodile Awards bilong 2014.

Crocodile Awards long dispela yia i lukim ol tupela meri i kisim awod. Agnes Maineke bilong Bogenvil i kisim awod bilong raitim ol sotpela stori na Iriani Wanma i kisim awod bilong raitim buk bilong ol pikinini.

Ol arapela wina bilong ol arapela Crocodile Awards em Sir Paulias Matane, Leonard Fong Roka, Diddie Kinamun Jackson, Kela Kapkora Sil Bolkin na Arnold Mundua.

Wanwan manmeri husat i winim awod i kisim K5000.

Embeseda Stokes i amamas tru long lukim ol meri long Papua Niugini i raitim planti stori long buk, na em i laik lukim planti moa meri i raitim stori.

Em i tok meri i gat planti stori bikos ol i save bungim planti kain kain hevi we ol manmeri i save long en.



Ol Bogenvil meri wantaim Hai Komisina Deborah Stokes



PIH Saveman Nius

"I kam long Pacific International Hospital Port Moresby"

Ph: (675) 323 4400 Fax: (675) 323 4600 Website: www.pih.com.pg

Endoskopi em i wanem samting?

PASIFIK Intenesenel Haus sik (PIH) nau i kisim wanpela nupela ilektronik Video Endoskopi sistem (EPX- 2500). Dispela ikwipmen bai mekim wok bilong Endoskopi Dipatmen bilong PIH i kamap isi tru.

PIH i save wokim endoskopi long PNG stat long 2009 na ol gutpela samting i kam long dispela nupela ikwipmen em bai helpim gut ol sik-lain tasol.

Dokta Paul Alexander, Medikol Dairekta na endoskopis long PIH i tok, "Dispela ikwipmen em i olsem pren bilong ol siklain, bilong wanem em bai daunim taim bilong ol siklain i pilim pen na taim bilong wet long orait bihain long endoskopi."

Endoskopi em i wanpela rot ol dokta i save sekim insait bel bilong man i sik na ol i no ken go long operesen. Ol i yusim long sekim ol sua long bikpela bel na belrop, ol win nogut o esit we i save kaikai insait bilong bel, mekim man long trautil blut, ges nogut long bel, o i save painim hat long daunim kaikai, o ol i save mekim pekpek i strong, o pekpek wara, pekpek blut o long sekim na luksave long kensa hariap.

PIH i laik mekim ol dispela kain bikpela we bilong luksave long sik na helpim ol siklain hia yet long kantri olsem na nau ol i givim spesel prais long diskaun olsem 40 pesen, sapos yu bukim dokta long Sarere."

Long bukim wanpela dokta yu ringim PIH Kastoma Rilesens Dipatmen long 70309272. Dispela diskaun em i no bilong ol siklain husat i stap edmit pinis long haus sik na long ol husat i kam long imejensi na sapos yu wanpela siklain i gat medikol insuresen.

Wantaim nupela ikwipmen bilong endoskopi, PIH bai i ken wokim Video Gastroskopi (Stendet, Slim na Altra Slim kain) wantaim wanpela narapela kain140@ digri fil-

vieu, **Video Kolonoskopi** (inap long

yusim jet wara, isi long muvim i go i kam na isi long putim i go insait long bel). Klostu taim nau PIH bai i wokim tu wanpela sevis bilong **Video Duodenoskopi** (soim insait bilong liklik belrop baksait tasol long bikpela bel).

Endoskopi em i wanem samting?

Endoskopi em i wanpela samting bilong ol dokta i yusim long sekim ol insait bilong bodi bilong manmeri we ol hap i gat hul olsem ol belrop. Ol dokta i yusim endoskopi long sekim na save gut long wanem kain sik i stap long bodi, was gut na katim na samapim na givim marasin long wanem hap insait long bodi em i gat sampela bagarap. Endoskopi em i wanpela liklik gumi i gat lens na lait na em isi long holim na putim i go insait long bodi we i gat hevi. I gat wanpela bun glas i stap long dispela tul we i save givim lait.

Ol lait i save bung wantaim narapela samting ol i kolimCCD (Charge coupled device) na em i save salim ol sain i go long video skrin long soim piksa bilong sik o wanem samting i stap insait.

Long wanpela hap bilong endoskopi ol i save larim wara na win i go insait long wasim na mekim drai hap bilong bodi dokta i katim na samapim long en.

Endoskopi i gat wanpela rot ol hul we ol dokta bilong katim man i ken muvim ol liklik tul bilong wok olsem posep wantaim sisis na saksen.

I gat kain kain ol narapela samting bilong wok long bodi em ol i ken putim i go insait long endoskopi bilong mekim wanem kain wok long stretim insait bodi bilong ol lain i sik.

Dokta bilong katim sikman i

'Gardasil', pap smia na mamogram i stap nau long sevim meri

NAMBA wan dokta bilong ol meri long PIH, Dokta Mathias Sapuri i tok olsem nau haus sik long PIH i gat marasin bilong kilim tripela virus o binatang i save kamapim kensa. Nem bilong dispela marasin em 'Gardasil'.

Dispela ol virus i save kalap i go i kam taim ol man na meri i slip wantaim na ol man i save givim long ol meri.

Em i tok PNG 5,000 meri i save dai long sik kensa na namba i wok long go antap yet. Olsem na ol meri i mas gat save long ol sevis nau i stap olsem mamogram bilong sekim susu kensa, na tu long ol meri i

ken sekim susu bilong ol yet, na pap smia bilong sekim kensa long seviks.

"Yumi no gat gutpela radioterapi masin bilong stretim sik kensa olsem na yumi olgeta i mas toktok strong na salim tok i go aut long ol meri i mas kisim klia tingting olsem sik kensa i save kilim manmeri tasol i gat we bilong stopim sapos yu sekim hariap na kisim marasin long stopim," em i tok.

PIH i amamas long tokaut olsem Lae Bisket bai sponsa wantaim bisket long wan wan lain i wok-about long Globeathon long Sande moning taim.


save putim endoskopi i go insait long bodi long ol hap bilong bodi i ken op olsem maus, hul long as, o katim liklik hul long skin.

Endoskopi save soim piksa tru bilong wanem hevi, kain olsem sua o solap insait long bodi.

Dokta i ken yusim long katim hap bilong bodi long sekim ausait; em i ken katim na rausim olgeta sapos hap bodi i bagarap olsem boil o solap bilong blut insait long bodi.

Ol i save yusim long kisim tu poto insait long ol hap bilong bodi i gat hul olsem ol belrop.

Taim ol i sekim wanpela hap bilong bodi, endoskopi i save senisim nem olsem laparoskopis (long as bilong bel, bilum bilong bebi, endoskopi laparoskopis (rot bilong kiau bilong bebi i go long bilum bilong bebi), laringoskopis (sekim nek paip), bronkoskopis (banis win o wait lewa), kolonoskopis (hap bilong bipela bel rop klostu long as), artroskopis (join) na gastroskopis (bikpela bel).



Masin bilong endoskopi. (Antap) ol poto bilong bel taim masin i kisim piksa.

Husat i laikim FACEBOOK pes "PNG Globeathon" na bai yu gat sans long winim PRAIS!!!

Meri i no ken wari na tingting tumas!

Fi bilong sekap i no winim K150, long yu ken kisim wanpela Pap smear tes bilong sekim sevaikel kensa, na em i ken luksave long planti narapela ol binantang bilong sik sapos i stap.



Join wantaim wolwaid wokabout long 28 Septemba, 2014, 7am long soim wanbel pasin long pait egensim birua bilong Kensa i kamap aninit long as bilong bel.



Long PNG, salim email: png.globeathon@gmail.com long kisim moa toksave o salim SMS i kam long 71558866

Pacific Internation Hospital:
4-mile (Boroko bus stop) - 323 4400, Specialty Clinic (3-mile) 311 3000 and Vision City - 310 0485 Website: www.pih.com.pg
Text line (for SMS inquiries ONLY) - 7155 8866

BPNG na BSP bai wok bung long Maikrofainens Projek

Stanley Nondol i raitim

MAIKRO Fainens Ekspensen Projek (MEP) bilong Benk ov Papua Niugini (BPNG) bai lukim planti pipel long kantri i kisim fainensel edukesen, awenes na trening. Benk Saut Pasifik (BSP) i kam insait long program long kamap patna na helpim BPNG long givim sevis long kantri.

Long dispela wik BPNG na BSP i sainim wanpela Memorandum ov Agrimen o MoA long mekim wok long Maikro Ekspensen Projek (MEP) long ol eria BSP i mekim bisnis long en.

BSP bai stat mekim wok bilong MEP long Pot Mosbi na skruim i go ausait long Mosbi we BSP i gat ol sab-brens, ejen na ol rejista SME.

Deputi gavana bilong BPNG, Benny Popoitai na jeneral menesa bilong BSP, Titel Benking Paul Thornton i sainim agrimen long kirapim wok.

Aninit long dispela MoA, BSP bai givim trening long ol kastoma bilong en long seavings, baseting, mobail mani. BSP bai givim trening

long samting olsem 60,000 manmeri. Foti pesen bilong ol bai ol meri.

Dispela projek bai pinis long Ogas 2015.

BPNG MEP tim bai givim trening long ol BSP trena na bai ol trena i givim trening gen long ol BSP wokman na meri long olgeta brens long kantri na ol gen bai skruim save i go long ol manmeri long eria bilong ol.

Menesa bilong BSP Edukesen Benking, Cynthia Asi i tok as tingting bilong MEP em long givim fainensel edukesen trening long olgeta man na meri long kisim gut save bilong benking.

Mis Asi i tok save bilong fainensel edukesen em impoten long olgeta manmeri long kantri. Maski yu bisnisman o famili man o meri o yu wanem kain lain, fainensel menesemen bai helpim yu long yusim mani gut long ol eria yu long yusim.

Gutpela save bilong fainensel edukesen long wan wan manmeri bai helpim long mekim gutpela disisen long mani long potnait pe na



Deputi Gavana bilong BPNG, Benny Popoitai na BSP menesmen i sainim MoA.

ol mani yu kisim long wanem kain rot. Dispela i ken helpim yu long stap gut long wok bilong yu, long haus na long komyuniti.

Ol topik bilong seavings em; Set seavings gol, rot bilong groim seavings, rot bilong helpim yu yet long

taim nogut, makim rait seavings long ol kain kain seving, divelpoim na yusim plen bilong seavings.

Ol topil long baseting em; makim fainensel gol na kamapim baset long mekim karim kaikai ol gol.

Namba wan skul BSP bai statim

long dispela program em mobail mani, we lukim ol manmeri bai kisim skul long yusim mobail fon long putim mani long benk na sekap long balens na ol arapela samting.

Tupela Madang projek kisim sapot bilong gavman

MADANG provinsal gavman i tok em i sapotim Pacific Marine Industrial Zone (PMIZ) na Ramu Special Economic Zone developmen long kamap kwik.

PMIZ na Ramu Special Economic Zone em tupela bikpela projek nesenel gavman na divelopa i mekim long Madang provins.

Gavana bilong Madang Jim Kas long wanpela miting bilong em namel long Minista bilong Tred Komes na indastri, Richard Maru long wok developmen bilong PMIZ long Madang i tok provinsal gavman i stap baksait long dispela projek na bai givim ful sapot long wok bai mas kamap hariap.

Mista Maru wantaim tim bilong em long las wik i go long Madang long stretim toktok wantaim Madang provinsal gavman na ol komyuniti long projek eria long wok i konstraksen bai kamap hariap long PMIZ projek na Ramu Special Economic Zone.

Mista Kas i tok provinsal gavman i amamas long bikpela projek i kamap long Madang

provins tok ol pipel bilong Madang na provinsal gavman bai stretim toktok wantaim nesenel gavman long wok long marin pak i mas stat kwiktaim.

Mista Kas i tok 25,000 manmeri bai kisim wok long dispela projek, na olarapela sevis olsem wanpela 4-len rot bai go joinim Madang taun, intenesenel ples balus bai kamap long Madang em bikpela sevis we ol pipel bilong Madang na kantri bai kisim long dispela projek.

Mista Kas i tokaut tu olsem Madang provinsal gavman i tok orait pinis long wok bung wantaim nesenel gavman long kamapim nupela Spesel ikonmik Jon long Ramu long Usino/Bungi distrik.

Dispela em bai bikpela prut goiring na prosesis projek long kantri.

Aninit long jon, 50,000 hekta bilong graun bai kamap prut plantesin.

MTS baim K12m dividen long ol seaholda

Stanley Nondol i raitim

MELANESIAN Trustee Services i mekim moa long K100 milien winmani long yia 2012 na i baim K12 milien dividen (winmani) i go long ol seaholda bilong em.

Sif Eksektiv Opisa (CEO) bilong kampani Kennedy Wemin taim em i givim sek mani i go long ol seaholda long dispela wik Tude long Pot Mosbi i tok kampani i mekim moa mani long ol invesmen long 25 pesen. Em tok kampani i bin mekim 14 pesen long 2011.

Mista Wemin i tok kampani i mekim ol klinap wok nau long stretim ol rekot bilong akaun, strongim kampani gen wantaim olgeta

odit bilong 2012.

Mista Wemin i tok kampani long klostu taim bai tokaut na baim ol dividen (winmani) bilong yia 2013.

Mista Wemin i tok kampani bai daunim ol dividen mani long ol i kam long kampani i ken mekim mani insait long sistem bilong em yet long mekim moa invesmen na groim kampani.

Mista Wemin i tok kampani i gat 80 pesen ekuti invesmen long ol bisnis olsem Trukai, Ela Motors, SP Brewery, Markham Culverts, Crown Piazza na ol sampela moa bisnis.

Em i tok kampani bai no inap wet long ol dispela invesmen. Em i tok kampani i lukluk long invesmen long ol arapela eria olsem

propeti maket, egrikalsa, na ilektrisiti saplai.

Kampani i gat 6 pesen invesmen long ol propeti maket na lukluk long groim dispela. Na i gat 14 pesen kes mani i stap long kampani yet.

Mista Wemin i tok gro bilong Pasifik Balens Fan em wanpela bikpela samting tru na kampani i lukluk long groim i go antap moa.

Em i tok kampani i lukluk long mekim invesmen long ol fainensel institusen na long mekim dispela ol bisnis kampani i nidim mani.

Mista Wemin i tok kampani i nidim helpim long ol finesel institusen long groim bisnis so kampani tu i mas mekim invesmen bilong em long ol fainensel institusen.

OUR AMAZING TURA HALF PRICE FARES!*
50,000 SEATS AT HALF PRICE!
BOOK NOW!

Air Niugini
www.airniugini.com.pg

Call Toll Free on **180 3444** or contact your nearest Air Niugini Travel Centre or Travel Agent for further details.

*Conditions Apply. 50% Discount applies to Domestic Fares. International Tura Fares also available. Call now!

Kainantu Lutheran Distrik makim ol nupela sios lida

Paulus Tali i raitim

LUTERAN Sios konprens bilong ELCPNG Kainantu distrik i makim pinis ol nupela lain lida na ol lain i holim ol wok long opis long narapela 5 yia i kam.

Konprens i kamap long Lamari peris insait long Tenta seket, Obura eria long 25-29 Ogas, 2014, i makim Reveren Sailas Bemeng, olsem nupela presiden bilong ELCPNG Kainantu distrik. Em i kisim ples bilong pastaim lida, Reveren Fuakac Frisu.

Konprens i makim yangpela Philemon Jeffrey olsem nupela yut kodineta. Reveren Patori Sokewe i kamap nupela Gutnius Dairekta long kisim ples bilong Reveren Kefy Koffey. Nini Laku em i kisim bek wok bilong distrik seketeri.

Moa long 600 deleget bilong ol 7-pela seket i bung long sios konprens ol i mekim disisen bilong ol bihainim demokretik we long makim ol nupela wokman na lida bilong Kainantu Lutheran Sios.

Nominesen komiti siaman, Beriso Suraka i tok, risalt bilong ileksen i soim laik bilong planti Kristen memba

Em i singaut long ol Lutheran insait long Kainantu i mekim Gutnius ministri i stap bikpela wok bilong sios long taim bilong senis. Long dispela rot, sios bai mekim nem bilong Jisas Krai i kamap bikpela, bai olgeta pipel i bilipim Tok bilong God na kisim laip.

Mista Suraka i tok: "Yumi Lutheran i stap olsem getwe bilong Gutnius insait long hailans. Olsem na bihainim



ODINESEN: Asisten Bisop Reveren Zapa Rauil givim blesing long odinesen bilong Pasto William Par. **Poto: Paulus Tali**

dispela nem, Lutheran Sios insait long Kainantu i mas mekim tru wok Gutnius. Sios mas i gat gutpela lida long go pas long ol Kristen long mekim wok bilong Gutnius i kamap long mak."

Long konprens, Pasto William Par i kisim oldinesen na i kisim blesing long han bilong Asisten Bisop, Reveren Zau Rapa.

Em i to, sios i givim odinesen long autim Gutnius long sol bilong ol pipel i no harim Gutnius yet. Ol pasto i mas sanap long tok tru na autim nem bilong Jisas Krai em yet i as bilong tok tru.

Presiden ilek, Reveren Sailas Bemeng i tok, yumi lida na ol Kristen i mas holim han na wok long bringim Kainantu i

go long narapela level bilong wok Gutnius.

Em i tok, ol Kristen i mas soim lait bilong Gutnius i go long arapela pipel na soim kala bilong bilip long pasin. Long dispela rot, Kainantu bai kamap gutpela ples bilong olgeta pipel i stap wanbel na bel isi, bai ol i save tru long Jisas Krai long laip bilong ol.

Em i tenkyu long ol olupela sios lida na askim long pasin wanbel i mas stap namel long olgeta wokman long kongrigesen, paris, seket na distrik aninit long bung bilong ol man i holi. Yumi gat wanpela samting tasol long mekim – em long givim glori na biknem i go long God Bikpela tasol.

Evangelical Brotherhood Sios insait long Obura i bin

helpim ol Lutheran long lukautim konprens wantaim kaikai na arapela samting. Dispela i bihainim wok bung ol i gat pinis.

ELC Tenta Seket i lukautim dispela konfrens. Honorebol Merra Mine Kipeffa, memba bilong Obura-Wanenara i helpim ol tu long dispela bung. Em i stap long palamen bung na i no kamap long konfrens.

Wanpela bilong ol host memba, Moses John i tok: "Mipela lain bilong Obura ol i save kolim mipela olsem (Back Page), tasol taim Lutheran Sios konprens i kamap long hap bilong mipela, dispela i givim mipela gutpela nem na stap trupela memba bilong Evanjelikal Lutheran Sios bilong Papua Niugini.

Sata balus long Woitape Katolik Peris i kres ...4-pela i dai

Our Lady of Fatima Peris long Woitape, Goilala Distrik long Sentrel Provins i bin sataim Hevi Lift balus we i bin kres na pondaun long las wik Sarere, na 4-pela pipel i dai long en. Faivpela i stap laip we tupela i stap yet long Pot Mosbi Jenerel Haus sik.

Foapela i dai em pailot bilong Australia, ko pailot o helpim pailot em wanpela meri i gat 25 krismas i miks lsten Hailans na Manus, Joseph Michael bilong ples Onoghe na Pio Mark bilong ples long Woitape i bin dai.

Pater John Aihi i gat 36 krismas i wanpela Katolik pater i bin sindaun long baksait bilong liklik balus kisim sampela bagarap na i ol i bin kisim em i go long haus sik. Em i orait na i go bek long haus.

Ol Lutheran Sios meri holim bikpela bung

NAMEL long 2,000 na 3,000 Lutheran Sios meri i stap nau long namba 14 PNG Evanjelikal Lutheran Sios (ELCPNG) Nensenel Wokmeri Konprens i kamap long Boana Stesen.

Bung i bin stat long las wik Sarere Septemba 20 na bai pinis long tumora Septemba 26.

ELC-Boana Distrik i hostim ol lukautim dispela konprens we i lukim planti meri i kam long olgeta hap bilong PNG long bung wantaim na toktok long ol bikpela samting i karamapim wok na laip bilong ol long sios, famili na komyuniti.

Het tok bilong dispela bung em "Laip bilong Jisas i pulap long laip bilong mi".

Long dispela konprens ol meri i laik wokabut long nupela wokabut bilong ol meri insait long ELCPNG.



MERI BUNG: Sampela ol mama i stap long bung.

Long konfrens ya, ol i gat ol presentesen bilong stia tok bilong ol meri ELCPNG we ol i bin rivium o glasim pinis.

Long wankain taim ol i presenim wanpela 5-yia stetijik plen na lonsim Womens Program Gaid-

buk. Ol i lonsim tu ol sampela trening manuel long ol sampela program.

Ol lain i stap long bung i kam long 17-pela distrik bilong ELCPNG.

Sampela ol meri i gat biknem i kam olsem

ges, long PNG yet na ovasis tu.

Opening bilong dispela bung i bin kamap long Sande 21 Septemba wantaim lonsing bilong ol siatok na stretijik plen bilong ol meri.



Ol Kristen Sios long PNG i pundaun long mani

LONG olgeta niuspepa na EMTV, ol memba i wok long givim aut mi-lien na tausen kina i go long ol sios.

Ol visit o wokabaut praim minista na ol memba i save mekim long wanwan provins, distrik, taun, siti na ol liklik ples ol i wok long givim lep rait long mani i go long ol sios i stat long ol liklik sios i go inap long ol mama sios.

Sampela ol dispela sio i no gat sosel sevis wok olsem, skul, helt, na ol arapela sevis, tasol ol i wok long poketim ol bikpela mani.

Sapos ol memba i gat gutpela tingting, ol inap givim mani i go long het opis na ol biklain long sios inap skelim na lukluk long ol wok we sios inap givim sevis i go long ol pipel na ol wok man bilong God, tasol nogat! Dispela kain ol wok i popaia pinis.

Tru, sapos yumi glasim gut tru, ol sios bilong PNG i popaia pinis long God na nau ol i wok long bihainim mani tasol.

Ol pasto i lus long strongim tingting pinis long wok God i singautim na odeinim ol long mekim.

Na ol pipel tu i les long givim wan ten na nau ol i bihainim ol memba olsem wanpela dok i dai na blu lang i smelim na pulim lain.

Dispela ol kain lain yumi ken tok, ol dai hat lain bilong mani na i no dai hat long God.

Wanpela gutpela piksa em yumi ken lukim wanpela mama sios (Lutheran) long Lae Morobe.

Ol memba bilong ol i putim sol na suga gut tru long ol bilip manmeri na ol wokman, na bagarapim gut tru bilip bilong sista sios bilong yumi.

Em nau, i no lotu Lutheran, Katolik, o Yunitet o Angliken sios tasol i mekim, nogat. Olgeta sios nau i bihainim Mista Mani na popaia pinis long wok tru God i singaut yumi long mekim.

Bikos long mani, dispela 4 fol ministri yumi kisim long Jisas taim yumi oden i popaia pinis. (Call, follow, Commission, given authority and being send to serve the people). Long pat bilong yumi pipel em wan tenth yumi kisim long potnait em bilong God i no bilong laki, bia o narapela samting.

Dispela em i no asua bilong yumi pipel, no gat. Em asua bilong ol memba bilong yumi na ol i lidim wok bilong God i go long rong hap.

Tru, tumas mi bin stap longpela taim liklik hia long kapitel siti na mi save gut tru wanem praim minista na ol memba i save mekim lep rait mani i go long ol sios.

Na dispela i givim bikpela les long yumi ol sios wokman long mekim wok na givim les long ol pipel long givim wan tenth long wok bilong God.

Em bai olsem wanem long tumora sios, na bilip bilong ol manmeri, na ol wokman bilong God.



Fiji i stat long vot. ABCNews

Rijon i mas sapotim Fiji bihain long ileksen: Dr Kabutaulaka

Wanpela saveman long Pasifik i tok maski yumi laikim o nogat, Fiji nau i gat wanpela niupela gavman na ol bikpela pawa long rijon i mas helpim.

Dr Tarcisius Tara Kabutaulaka, Asosiet Profesa long School of Pacific na Asian Studies University bilong Hawai'i i tok bikpela win bilong Frank Bainimarama na Fiji First Party bilong em i soim olsem ol pipel bilong Fiji i laikim em.

Em i tok Australia na Nu Silan i mas luksave long laik bilong ol pipel bilong Fiji bihain long dispela demokratik ileksen.

Dr Kabutaulaka i tok ol kantri long rijon i mas larim Fiji i kam bek tu long Pasifik Ailan Forum na tu long intenesenel grup olsem Komonwelt.

Foapela pasindia i dai long taim balus i pudaun long PNG

Ol opisa bilong Air Investigesen Komisn bilong Papua Niugini i wok long mekim ol wok long painimaut long dispela birua long balus i bin pudaun klostu Mosbi long wiken.

ABC niusman long Mosbi i tok dispela birua i kamap long Sarere we 4-pela pipel i bin dai.

I bin gat 9-pela pipel long dispela Twin Otter balus bilong Hevilift kampani, taim em i pudaun klostu long Mount Lawes i no longwe tumas long Pot Mosbi. Dispela balus i bin lusim Woitape long Goilala distrik na i laik kam long Mosbi long taim em i painim dispela birua.

Namel long ol lain husat i dai em i pailat husat i wanpela man bilong Australia na fes opisa husat i wanpela meri PNG.

Ol i kisim ol arapela 5-pela i go long haus sik.

TSI i givim tok lukaut long pasin bilong baim vot long Solomon Ailan

Long dispela taim we Solomon Ailan i redi long nesenenel ileksen long dispela yia, anti korapsen lain Transperensi Solomon Ailan i givimaut bikpela tok lukaut.

Daniel Fenua, Eksekutiv Opisa blong Transperensi Solomon Ailan i tok taim bilong ileksen i taim we ol pipel i mas mekim bikpela disisen long sait long gutpela stretpela pasin na no ken bihainim nogut korap pasin.

Em i tok taim bilong ileksen em i taim bilong ol kendidet i save grisim ol vota long baim vot bilong ol.

Mista Fenua i tok baim vot i no pasin bilong givim mani o ol narapela samting stret long wan wan vota, nogat. Em i tok baim vot i save kamap long ol arapela hait pasin tu.

Em i tok i rong tu long kendidet i givim mani long ol sios pasta long grisim ol sios memba long vot.

Mista Fenua i tok ol pipel tu i no ken askim long

mani o helpim long ol kendidet na na promis long votim ol.

Fiji i laikim polisi bilong Fiji First Pati

Planti moa long vota long Fiji i laikim Fiji First Party bilong Praitim Minista Frank Bainimarama bikos long polisi bilong em long multi-kalsa.

Dr Gordon Nanau, Leksera bilong Politik na Intenesenel Afes long Yunivesiti bilong Saut Pasifik long Suva, Fiji i tok pati blong Bainimarama i muv aut long pasin blong bipo we politik em i go long sait long ples we ol pipel i kam long en.

Em i tok interim gavman blong Bainimarama i bin kirapim planti developmen projek long kantri tu taim em i stap long pawa.

Dr Nanau i tok tu olsem Bainimarama yet i pulim planti long ol vot we i go long pati long ileksen long Fiji.

Olgeta risal bilong ileksan bai kam aut klia, tasol i luk olsem pati blong Frank Bainimarama nau bai ranim gavman bilong Fiji.

Sampela MP long Solomon Ailan i no toktok long ol lo

Transperensi Solomon Ailan i bin wokim wanpela wok painimaut we i soim olsem wanem ol memba bilong palamen long Solomon Ailan i save toktok long ol gavman Bil we ol i toktok long en long palamen.

Daniel Fenua, Eksekutiv Opisa blong Transperensi Solomon Ailan i dispela sevei i soim olsem sampela memba i stap long miting na i tok-tok klostu long olgeta bil ol i bringim long palamen.

Em i soim tu olsem sampela memba i save stap long miting tasol ol i no save toktok long ol gavman bil we ol i kaik long kamapim olsem lo.

Sevei i soim tu olsem sampela memba i no save go long miting.

Daniel Fenua i tok ol i mekim dispela sevei long ol pipel i ken lukim sapos memba bilong ol i mekim tru wok long palamen.

Dispela sevei i lukluk long taim we i stat long namba wan miting long Oktoba 1, 2010 inap 28 Me 2014.

Ol memba husat i gat gutpela rekot nau em:

1. MP bilong Not Is Choiseul, Hon. Manasseh Sogavere
2. MP bilong Wes Are' are, Hon. John Maneniaru,
3. MP for Not Wes Guadalcanal, Hon. Dr. Derek Sikua
4. Praitim Minista na MP bilong Gizo Kolombangara, Hon. Gordon Darcy Lilo.
5. Smol Malaita MP, Hon. Rick Houenipwela.
6. MP bilong Aoke Langalanga Hon. Matthew Cooper.
7. Central Guadalcanal MP, Hon. Peter Shanel.

Mista Fenua i tok 7-pela memba ol i no bin mekim wanpela toktok long ol bil insait long 4-pela yia.

Ol Poto nabaut



.STATIM LOTU: Wokabout long statim lotu bilong opim Kainantu Luteran Sios Distrik konprens we Asisten Sios sSeketeri Reveren Zau Rapa na Seketeri Albert Tokave i go pas. **Poto: Paulus Tali.**



REDI: Ol pikinini i laitim kendel long putim kamap wanpela eksen singsing drama long wanpela sios selebren bilong Luteran Sios long Lae, Morobe provins. **Poto: Paulus Tali**



SKUL KISIM HELPIM: Tabubil Sekenderi Skul long Westen Provins i kisim ol kompyuta long helpim skruim wok bilong ol tisa na ol sumatin. Menesing Dairekta bilong Ok Tedi Main, Nigel Parker i givim ol dispela kompyuta long wanpela liklik seremoni long skul yet. **Poto: Ok Tedi Midia**

Kamapim gut trenspot sistem na sindaun bai kamap gut

Pablik transpot em i wanpela mak bilong soim sapos kantri i ran long gutpela mak bilong developmen o nogat.

Sapos i gat gutpela seif transpot bilong graun, wara na skai we ol pablik i ken muv long wanpela ples i go long nara-pela, bai yumi ken lukim ol gutpela senis i kamap na sindaun bilong pipel bai orait tu.

Hia long Papua Niugini i gat bikpela salens i stap long kamapim gutpela pablik transpot sistem.

Long ol kain siti olsem Mosbi na Lae na Hagen na ol arapela bikpela taun, ol manmeri na pikinini husat i save kalap long pablik transpot olsem ol PMV na bas i save painim taim stret.

Oltaim bai i gat ripot bilong ol pikpoket, na ol draiva i brukim lo na sasim bikpela mani long ol pasindia. Sampela i no save pinisim ran bilong ol na planti i save birua long ol skul manki na i no laik kisim ol.

I gat bikpela wok tru i kamap nau long stretim dispela hevi. I mas gat strongpela mekim-save long ol bikhet draiva na boskru. Sapos ol i no bihainim stret lo bilong laisens, orait rausim laisens bilong ol.

Mekim olsem bai ol i luksave olsem laisens bilong ranim pablik transpot i gat bikpela

Haiwe rot...



Balus...



Sip...



Jada 014

risponsibiliti i go wantaim.

Laip bilong ol man, meri na pikinini i stap long han bilong draiva long taim pasindia i

kalap long PMV. Ol kot bilong PNG tu i no save skelim dispela long taim bilong eksiden na man i dai.

stap long kisim pasindia, i gat gutpela ples bilong wetim transpot, i gat taim tebol i tok klia long ran bilong bas, na

Kot i save kalabusim o sasim fain tasol long ol draiva. Ating strongpela tok-lukaut i kam long ol kot tu bai i gat sampela senis i ken kamap.

Mosbi i redi nau long ol bikpela developmen na ol intenesel miting i kamap long 2015 na i go yet. Gavman i putim bikpela mani tru i go insait long redi long ol dispela bikpela samting. Tasol i mas gat wok i kamap tu long senisim pes bilong pablik transpot sistem long siti.

Long ol arapela kantri i gat ples bilong pablik transpot i

pablik transpot i klin na i sevim tru ol pablik.

Wanem taim bai PNG tu i ken lukim dispela kain gutpela senis i kamap long pablik transpot bilong ol siti na taun bilong yumi?

Tude i no gat kontrol. Ol bas na pmv i mekim nating long laik.

Ol i tingting tasol long profit bilong wanpela de na i no bisi tumas long wanem kain sevis i go long ol pablik.

Dispela kain pasin i mekim na yumi no save lukim tumas planti ol ovasis visita i kalap long ol pablik transpot bilong yumi.

Ol i no gat bilip long sistem bilong yumi bikos i no gat gutpela seif pablik transpot sistem bilong yumi.

Yumi ken senism dispela na kamapim gutpela pablik transpot sistem. Ol pipel bai sapotim wanem rot gavman i laik bihainim long kamapim gutpela sistem.

Ol pipel i les pinis long ol raskol na pikpoket i stilim bilum na pretim ol long bas stop o insait long bas na pmv.

Yumi strongim lo bilong ranim pablik transpot na givim gutpela sevis i go long ol manmeri na pikinini na ol arapela pasindia bilong pablik tranpot.

PNG mas kamapim teroris Lo

Gavman bilong Australia laik kamapim wanpela nupela lo bilong daunim na stopim birua bilong teroris long kantri bilong ol egensim ol pipel bilong ol.

Dispela lo bai holim na sasim husat man o lain i laik mekim teroris pasin long kamapim birua long Australia na tu husat ausait lain i go stap long Australia mas bihainim lo bilong Australia.

Na tu ol pipel bilong Australia i no inap go tu long ol kantri we pasin birua bilong teroris save stap long en.

Ating em wanpela gutpela lo bilong lukautim gut na banisim laip na sindaun bilong ol pipel bilong Australia bikos yumi harim na lukim planti taim long nius olsem planti ovasis manmeri save laik ronawe brukim biksolwara na go stap long Australia.

Tasol ol save stap long ol banis ol kolim ditensen senta na bai atoriti sekim gut nem na rekot bilong ol na sampela taim salim ol go bek long kantri bilong ol o givim



ol sitisensip na ol i ken stap long Australia olsem nupela kantri bilong ol.

Australia em bikpela kantri tumas long yumi Papua Niugini na ol i gat olgeta risos, mani na save bilong kamapim kain lo na karimaut gut long sevim interes bilong ol pipel bilong ol.

Ol lain husat bin go stap pinis na kamap olsem sitisen long Australia mas lukaut gut tu long eksten na pasin bilong ol we i no ken go klostu liklik long promotim pasin bilong teroris. Planti bilong ol lain ya i long Midel Is na Esia kantri.

Yumi harim nius olsem sampela wok bisnis long PNG em bilong ol famili bilong ol teroris lain long Midel Is na nem bilong ol i ples klia aninit long was bilong Australia polis.

Em soim olsem long sapotim wok bilong teroris hia

long PNG bai i no inap hat bikos Australia em klostu long PNG na i gat planti bisnis invesmen na kain hait bisnis bilong sapotim teroris ken long hia long PNG tu.

Ol bai kam olsem long Australia sampela famili na wan pisin bilong ol save stap long hap.

Olsem na yumi long PNG tu mas taitim lo bilong yumi long stopim dispela kain pasin bilong sapotim o helpim teroris bisnis long kantri bilong ol.

Ol bai amamas long mekim bisnis na gat mani bilong karimaut operesen bilong ol yet bikos ol bikpela kampani na bisnis i stap pinis long helpim ol wantaim birua pasin bilong ol.

Memba bilong Rabaul Dokta Allan Marat bin askim Palamen long las mun sapos Gavman ken glasim gut Sios Lo bilong yumi na mekim senis long en.

Lo bilong PNG givim bikpela fridom tumas long kain kain lotu i kam insait long kantri na olsem bai sans

bilong teroris tu ken kam long dispela rot long PNG. Bai yumi bungim hevi long bihainim olsem na yumi mas stretim na taitim Lo bilong lotu hia long PNG.

Yumi save olsem PNG em Kristen kantri olsem na yumi mas oraitim tasol ol Kristen Sios hia long PNG. No ken oraitim ol arapela sios we i no gat wankain bilip olsem Kristen.

Em samting bilong Lo na ol lida bilong PNG mas stretim bikos Australia nau i taitim Lo bilong ol na yumi no ken wet. Yumi mas taitim tu lo bilong yumi.

No ken wet na teroris pasin na bisnis i kisim graun pinis na bihainim yumi kirap nogut na laik stretim Lo.

PNG em Kristen kantri wantaim planti pasin tumbuna na kastom bilong em olsem na yumi mas banisim na soim aut long arapela kantri long wol olsem yumi i oltaim sanap strong egensim pasin bilong birua na bagarapim laip bilong arapela manmeri.



Published Weekly, Thursday, for Word Publishing Company, Ltd. P.O. Box 1982, Boroko, NCD Papua New Guinea

Telephone: (675) 325 2500 Fax: (675) 325 2579

Email: editorial@wantok.com.pg

Pe bilong wanpela yia

Websait: www.wantokniuspepa.com

Pe bilong wanpela yia, 52 niuspepa

PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager Elizabeth Konga

Editor Veronica Hatutasi

Published at Able Building Complex, Sec 58 Lot 02, Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd and are set out full on the display advertising form.

Ol mama AOG i redim meri long marit

Frieda Sila Kana i raitim

KLOSTU long 4,000 mama bilong Asembli ov God sios na ol narapela Kristen mama i bung long dispela wik long Jubili AOG Yunivesiti long Mosbi wantaim het tok, "Redim meri long kisim las glori," Josua 3:2-5.

Dispela konvensen o bikipela bung bilong ol meri i bringim ol bilipmeri na sampela man tu i kam long olgeta kona bilong kantri long olgeta 22 provins na tu, long ol wantok long Pasifik kantri na Cairns, Australia.

Gavana bilong Nesenel Kepital Distrik, Powes Parkop na minista bilong Kalsa na Turisim, Boka Kondra na ol narapela bikman bilong gavman na AOG sios i bin stap long opening bilong bung long Mande apinun dispela wik.

Gavana Parkop i givim K10,000 long helpim ol na i bin tokim ol mama olsem Mosbi nau i no olsem bipo. Mosbi i wok long kamapim bikipela senis. Em i tok tu olsem sios i mas wok bung wantaim gavman long senisim kantri.

Bikipela toktok i kamap long sampela bilong ol dispela ges spika em long Papua Niugini i mas redi na luksave long wanem samting God i wok long mekim nau long kantri bilong yumi. Narapela toktok em ol i tok long gavman i mas sanap wantaim kantri Israel bai blesing bilong God i ken stap yet long PNG.

Wanpela bilong ol dispela spika em Namba tu senia pasto bilong AOG Corner Stone sios long Mosbi, Pasto Tom Watinga. Em i bin givim luksave long ol meri long bikipela wok ol i save mekim long brukim skru na krai long nesen bai senis na ol famili bai sindaun gut. Em i tok olsem krai bilong ol long ples hait na bus em i karim kaikai nau.

"Ol mama, yupela i save pre na krai long bus long senis bai kamap long kantri na nau gavman na kantri i wok long senis. Posisen bilong yupela i winim ol CEO bilong ol kampani," Pasto Tom Watinga i tok.

"Asembli bilong God Sios em i wanpela sios i kamap long mekim wok bilong God olsem na satan i bin laik brukim tasol mipela sanap strong na mipela brukim pawa bilong satan na nau mipela lukim pawa bilong God. Yumi AOG em trupela lotu i save bihainim pasin bilong namba wan lotu long taim bilong pentekos. Tasol trupela Pentekos bai kamap long taim Israel bai tanim bel na kisim Jisas. (Wok bilong Aposel 1:8)

Long Matyu sapta 16 na 17, Jisas i tok long Aposel Pita olsem, "Mi bai wokim sios bilong mi antap long dispela ston na mi givim yu ki bilong opim dua long heven. Na i no gat pawa bilong hel bai stopim yu!" Pasto Watinga i tok.

Pasto Watinga i tok moa olsem Papua Niugini i mekim gutpela disisen long kamapim tok promis o kavanen wantaim God bilong Israel, taim papa bilong nesen na pastaim Praim Minista, Gren Sif, Sir Michael Somare i bin mekim tok promis long kisim God bilong Israel olsem God bilong Papua Niugini.

"Gren Sif, Sir Michael Somare olsem papa bilong dispela kantri i gat atoriti long sainim dispela kontrak wantaim God bilong Israel, i no gat wanpela pawa bilong satan o spirit nogut bai senisim dispela.

"Long las yia Septemba, Praim Minista Peter O'Neill i go long Israel na sainim agrimen wantaim Praim Minista Benjamin Nethanyahu bilong Israel long kamapim baileterel rilesens wantaim kantri bilong em. Nau bai embesi bilong PNG i stap long Jerusalem na i no long Tel-Aviv olsem ol narapela kantri. Na nau yet, Spika bilong Palamen i stap long Israel.

"Stretim pasin bilong yu pastaim na bihain yu ken kam bek na lotu na lotu. Na bilong yu bai gat mining. Tokim ol man bilong yupela long stopim nau pasin bilong lotu long skin tasol. Taim bilong skin lotu em i pinis nau. Inap long pilai pilai bikos nau God i lukluk long AOG sios long kirapim bek lotu wankain olsem bilong de bilong Pentekos. Olsem na ol man i mas stop long pilai raun na kam bek na brukim skru na krai wantaim ai wara long God," Pasto Watinga i tok.

Dispela konvensen bai pinis tumora wantaim wanpela Jisas mas i stat long Jack Pidik Pak na i go long haus Palamen, na bai i gat selebren bilong pasim bung long nait.



Welkam long Gavana Powes Parkop, Minista Boka Kondra na ol nesenel lida bilong AOG Sios *poto: Nicky Bernard*



Ol meri Niugini Ailans Rijon i mas long opening de (karim plak) *poto: Nicky Bernard*



L-R Pasto Tom Watinga na meri bilong en Gouli Watinga, Miriam Waters (Cairns) Lynette Emery (Cairns) *poto: Frieda Sila Kana*



L-R Nesenel Tresera bilong AOG meri, Elizabeth Bouwe na Nesenel Presiden, Rev. Mariana Maru. *Poto: Frieda Sila Kana*



Ol meri long Sentral Rijon, Madang na Morobe (blu) *poto: Nicky Bernard*



Ol meri long Hailans Rijon (wait) *poto: Nicky Bernard*



Ol meri mas *poto: Nicky Bernard*



Program bilong Wanwan De

De - Mande - Fraide

6am - 10am - Sankamap show - Host: Kas.T
6:00am - Major Nius Bulletin
6:15am - Komuniti Notis Bod
6:25am - Taim Bifo - wanpela singsing b'long bifo.

Tasol
9:30am - Final aua cruz
10am - 3pm - Morin Trek na Belo Pack
10:00am - Major Nius Bulletin - YUMIFM Nius Senta

2:00pm - Major Nius Bulletin - YUMIFM Nius
2:05pm - YU TOK - komiuniti awenes program
2:45pm - YUMI PANIM WOK Segment
3pm - 7pm - Avinun Draiv Taim - Host: Vaviessie

6:10pm - 7:00pm Mon kamap sho
6:45pm - Komuniti Notis Bod
7:00pm - 9:00pm - COCA COLA GARAMUT
7:00pm - Nius - YUMIFM Nius Senta

Sarere belo cruz - Host: Tuluvan Vitz
1pm - 2pm - Sarere Belo Taim Dedikesen
2:00pm - Nius - YUMIFM Nius Senta
2pm - 6pm - Sarere Avinun Cruz

RADIO AUSTRALIA TOK PISIN PROGRAM HARIM LONG: 101.9 FM

6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas
7PM Stesen Op

TUNDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

TRINDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

FONDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

FRAIDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

SARERE - Nait
7PM Stesen op - Ol Nius Hetlain/Program Priviu
7.05PM Musik na Chit Chat
7.30PM Nius

SANDE - Nait
7PM Stesen op - Ol Nius Hetlain/Program Priviu
7.05PM Musik na Chit Chat
7.30PM Nius

Raun wantaim Wantok kru ...

CPL tingim PNG kalsa long 39 Yia

Nicky Bernard i raitim

CITY Pharmacy em i wanpela bilong ol bikpela stoa we i save lukautim na saplai long ol marasin insait long PNG longpela taim nau.

Dispela marasin stoa tu i gro bikpela na nau em i gat ol bikpela supa maket stoa insait long kantri.

Olgeta Indipenden de bilong Papua Niugini, CPL save i kamapim sampela liklik kalsa so long amamasim ol kastoma bilong em taim ol i raun i kam long stoa bilong ol long baim ol kaikai o marasin.

Long 39 yia Indipenden de bilong PNG, ol i bin mekim bikpela kalsa so long fran bilong wanpela bikpela nupela stoa bilong ol insait long Mosbi/Waigani Sentral.

Dispela kalsa so bilong ol i bin pulim planti danis tumbuna bilong kainkain provins long soim danis kalsa bilong ol.

Ol Hailens rijon i kam long Momase i go long Niugini Ailans na i kam long Sauten rijon i soim kala



Ol Sauten Rijen danis grup long Stop N Shop Waigani Sentral. Poto Nicky Bernard.

bilong ol. Planti long ol wok manmeri bilong CPL bin kisim ol ples lain bilong long kam joinim ol long danis tumbuna long amamasim Indipenden de long stoa bilong ol we ol save wok long en.

Wanpela grup bin pulim ai bilong planti kastoma em grup bilong Sauten Rijon. Ol bin danis "Kani Buri Na" we emi wanpela danis bilong woa. Dispela danis em kam stret long Balawaia eria

long Rigo Distrik insait long Sentral Provins.

City Pharmacy Grup bai mekim bikpela moa long taim PNG i kisim 40 yia bon de bilong em long 2015.

EMTV Television Guide

FONDE SEPTEMBER 25, 2014

8:30 PM G SOKA XTRA EP#28
8:40 PM G HOT SPOT Ep#32
9:00 PM PG NRL FOOTY SHOW Ep#28
11:30 PM G NEWS REPLAY
.....followed by the Australia Network

FRAIDE SEPTEMBER 26, 2014

4:00 AM G AUSTRALIA NETWORK
5:00 AM G JOYCE MEYER 1095-5
5:30 AM G EMTV NEWS REPLAY
6:30 AM G TODAY
09:00 am G CLASSROOM BROADCASTS
3:30PM G KIDS KONA

SARARE SEPTEMBER 27, 2014

HI 5 S12 EP#23/39
NEW MACDONALD'S EP#36/52
PYRAMID S3 EP#63/68
SHAK S5 EP#19/33
5:30 PM G SKIPPY - TIME & TIDE
5:55 PM G CRIME STOPPERS
6:00 PM G EMTV NATIONAL NEWS
7:00 PM G IN MORESBY TONIGHT - 2014 NRL - PRELIMINARY FINALS
9:30 PM MA FRIDAY NIGHT MOVIE
11:30 G EMTV NEWS REPLAY
.....followed by the Australia Network

SANDE SEPTEMBER 28, 2014

4:30 AM G AUSTRALIA NETWORK
6:00 AM G EMTV NEWS REPLAY
7:00 AM G IN HIS STEPS EP#30
7:30 AM G AUSTRALIA NETWORK
8:30 AM G SKILLICIOUS S2 EP#3/7
9:00 AM G DANI'S HOUSE S1 EP#10/12
9:30 AM G ULTIMATE GUINNESS WORLD
10:00 AM G PACIFIC WAY EP#12 - Rpt.
10:30 AM G SKIPPY - Shark Taggers Rpt.
11:00 AM G AUSTRALIA NETWORK
5:30 PM G OLSEM WANEM EP#36
6:00 PM G EMTV NATIONAL NEWS
6:30 PM G 2014 NRL - PRELIMINARY FINALS
09:00 PM MA SATURDAY NIGHT MOVIE
10:30 PM G EMTV NEWS REPLAY
.....followed by the Australia Network

3:30 AM G AUSTRALIA NETWORK
6:30 AM G EMTV NEWS REPLAY
7:00 AM G HILLSONG
7:30 AM G AUSTRALIA NETWORK
8:30 AM G BUSINESS PNG YR.3 EP#32 rpt.
9:00 AM G TOTALLY SPIES EP#26/26
9:30 AM G OLSEM WANEM EP#36- RPT
10:00 AM G RESOURCE PNG EP#33 - Rpt
10:30 AM G TBA
11:00 AM G COOKING ISN'T ROCKET
12:00 PM G AUSTRALIA NETWORK

TORO



BIABIA



KANAGE



KROSWOD

- Antap
- 1 Laikim tumas
- 5 Pasin bilong ol Indonesia long putim kala long laplap
- 10 Pis
- 11 Wara
- 12 Bihain tru
- 14 Susa
- 17 Bilum bilong _____
- 18 Musik instramen
- 20 Kukim long plaua
- 21 Lait i _____
- 23 Mani bilong wok
- 24 Tudak
- 27 Pawa masin
- 30 Kaikai go insait long en
- 31 Kain gras
- 32 Long taim bilong Jisas
- 33 Redio
- 35 Namba
- 36 Melanesian Alaiens Pati
- 37 Mak bilong kompas
- 38 Narapela lain
- 39 Pilim nogut
- 40 Lusim ples
- 42 Han bilong Australia gav-man
- 44 Ailan long Maikronesia
- 46 Vinega
- 49 Wankain skoa long spot
- 50 Toksave pepa bilong baim
- 51 Teknikel nokaut long bok-sen
- 52 Solwara i kirap
- 53 Provins bilong ol Miok
- 54 Ailan long Bogenvil
- 55 Ples ol sumatin i kisim save
- Daunbilo
- 1 Pilai
- 2 Bilong sevim mausgras
- 3 Putim i go antap
- 4 Opisal buk bilong raun ovasis
- 5 Pren
- 6 Bilong lukluk
- 7 Televisen
- 8 Yau
- 9 Biktaun bilong Morobe
- 13 Salim mani kwik long pos opis
- 15 Namba
- 16 Mande em wanpela
- 19 Hait na lusim ples
- 20 Ples long Isten Hailans
- 22 Bilong rait
- 23 Sampela ka gat dispela kain
- 25 Siksti minit
- 26 I no hatwok
- 27 Wara bilong prut
- 28 Namba
- 29 Namba wan man
- 31 Redio stesin
- 34 Ol rul
- 37 Salim toktok long mobail
- 40 Kontrolim spit bilong ka
- 41 Senia plisman
- 43 Ol soldia
- 45 Tuna
- 47 Hap diwai
- 48 Ailan long Is Sepik
- 50 Boil

SUDOKU

5	6	8	4	2	7	9	1	3
1	3	7	8	6	9	5	2	4
2	4	9	1	5	3	8	7	6
7	5	3	9	8	4	1	6	2
6	2	4	3	1	5	7	8	9
9	8	1	6	7	2	3	4	5
3	9	6	7	4	1	2	5	8
8	1	2	5	9	6	4	3	7
4	7	5	2	3	8	6	9	1

Ansa bilong las wik Sudoku # 62

3				2		6		
				9	8		7	3
		2	3	1				5
1				4	7	3		
	8	9	5	7	6			
	7	6	1				2	
8				7	1	9		
6	9		8	3				
	4		2					7

Ansa bilong Sudoku # 63 neks isu

B	U	A	I		K	U	L	A	U
M			N		A	M	E	T	
B	A	S			P	I	S		
B	E	S	E	N	A			D	O
R	N		S	O	L	D	I	A	
U	D				O	P	I	S	
S	E	P	T	E	M	B	A	P	
S	I	O	S		U		T	I	
O	K		E	T	A		T	O	K
N	I		A	A		S	T	I	A

Ansa bilong las wik krowod, isu #

1	2	3	4	5	6	7	8	9	10	11	12	13	14	15	16	17	18	19	20	21	22	23	24	25	26	27	28	29	30	31	32	33	34	35	36	37	38	39	40	41	42	43	44	45	46	47	48	49	50	51	52	53	54	55
---	---	---	---	---	---	---	---	---	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----

EMTV Television Guide

4:00 PM G 2014 NRL – QUALIFYING FINALS	4:00 AM G AUSTRALIA NETWORK	8:30 PM PG MERLIN SEASON 4 – EP#5/13 – His Father's Son	8:00 PM G OUR PORT MORESBY EP#47
6:00 PM G EMTV NATIONAL NEWS	5:00 AM G JOYCE MEYER – 1095-1	9:30 PM G EMTV NEWS REPLAY	8:30 PM G VOCAL FUSION SEASON 1 –
6:30 PM G VOCAL FUSION S1 – Ep#7	5:30 AM G EMTV NEWS REPLAYfollowed by the Australia Network	9:30 PM G TOK PIKSA EP# 38 REPEAT
7:30 PM G TOK PIKSA - EP#2014/38	6:00 AM G TODAY		10:00 PM G NEWS REPLAY
8:00 PM G 60 MINUTES	09:00 am G CLASSROOM BROADCASTS	followed by the Australia Network
9:00 PM MAO SUNDAY NIGHT MOVIE	3:30PM G KIDS KONA		
10:30 PM G HILLSONG Rpt.	5:00 AM JOYCE MEYER 1095-2		
11:00 PM G EMTV NEWS REPLAY	5:30 AM G NATIONAL EMTV NEWS REPLAY		
.....followed by the Australia Network	6:30 AM G TODAY		
	09:00 am G CLASSROOM BROADCASTS		
	3:30 PM G KIDS KONA		
	5:00 AM G JOYCE MEYER - 1095 - 3		
	5:30 AM G EMTV NEWS REPLAY		
	6:30 AM G TODAY		
	09:00 am G CLASSROOM BROADCASTS		
	3:30PM G KIDS KONA		
	5:00 AM G EMTV NEWS REPLAY		
	5:30 PM G ULTIMATE GUINNESS WORLD		
	6:00 PM G EMTV NATIONAL NEWS		
	7:00 PM G HAUS & HOME Ep#31		
	8:00 PM G BUSINESS PNG YR.3 –		
	7:00 PM G FACT FILES – FAMILY FEUD		

Ol Progam na Kilok i ken senis oltaim...

Oi Nius Poto:

Raun wantaim Kanage olgeta wik



SAINIM: Skul Bot Siaman bilong Kawai Prameru skul long Bogenvil i sainim agrimen long ol skul projek bai gavman bilong Japan i fandim. Embaseda bilong Japan long PNG, Morio Matsumoto na Presiden bilong Atonomas Rijen bilong Bogenvil, Dokta na Sif, John Momis i wet long sainim ol pepa. **Poto: Embasi bilong Japan**



SELEBRET: Sampela woklain bilong Benk Saut Pasifik long Mosbi Taun brens i selebretim namba 39 Indipendens bonde bilong PNG las wik. **Poto: BSP Midia**



GO SKUL: Tripela woklain bilong BSP, em Justine Gori, Natasha Sirimai na Timothy Sipwanji bai go skul long tripela mun long Filipins olsem hap bilong developmen program na ol i ken kisim ol lidasip posisen wantaim benk long tripela na 5-pela yia i kam. Narapela tripela i bin go long Saut Afrika long las yia aninit long wankain program. **Poto: BSP Midia**

Holim strong
KANAGE em bilong Watom ailan long Is Nu Briten provins. Wanpela taim, ol bikman long ples askim Kanage long go wantaim ol long Rabaul taun. Ol kisim moto kam long ples Vunavulile na go sanap long rot wetim kar stap. Wanpela waitman draiv kam na ol stopim em. Waitman askim ol, "Where are guys going?" Narapela yangpela mangi tokim em ol laik go long Rabaul taun. Kwan, waitman tokim ol long kalap. Yangpela mangi tokim ol biklain long kalap na em yet bai sindaun long fran long wanem em save long Tok Inglis. Tasol nogat. Kanage tokim em long sindaun wantaim ol lapun long baksait. Kanage kalap long fran na ol ron go. Ol ron go abrusim Vuvu na ren pundaun. Waitman ya tokim Kanage, "Please, wind up your window." Kanage kirap singaut go long ol lain long baksait, "Ol lain, waitman tok olsem holim strong!" Ol ron go long kona bilong Nonga Haus Sik na waitman ya askim Kanage gen, "Please, wind up your window." No gat. Kanage



kirap singaut gen long ol lain long baksait, "Aiya, yupela holim strong." Ol ron go na waitman ya belhat long wanem ren wasim insait bilong kar. Em singaut long Kanage, "Wind up your window now!" Tasol nogat. Longlong Kanage singaut long ol lapun long baksait, "Waitman tok kalap go ausait nau tasol." Kanage tasol mekim na olgeta lapun kalap na kisim bagarap long ol as bilong ol banana.

Mambu
Wantok Bilong Yu Yet

San na mun
KANAGE wantaim poroman bilong em Orike pilai snuka long haus bilong Kanage. Sampela meri Kerema go long haus bilong Kanage long kisim wara long paip wara bilong Kanage long wanem ol nogat wara long hap bilong ol.

Orike lukim ol meri Kerema wokabout go arere long haus na em giaman na tokim Kanage, "Aiyo, perendo! Bikpela kus stret pas long trausis bilong yu ya!" Kanage paul olgeta na hariap tru rausim trausis bilong em. Ol meri Kerema lukim Kanage sanap as nating na wanpela bilong ol tok, "Aiyo, san tasol bikpela mun kam aut." Kanage harim olsem na bekim, "Sapos mun i sain long ai bilong yu, yu bai tingting na pilim olsem yu stap long mun ya." Meri ya harim bekim bilong Kanage na em tok, "Ating mun ya i mas i gat strongpela lait bilong paulim tingting bilong man gen ya."

Wopa Mote
Mosbi

Ol skwat!
Salim ol gutpela Kanage tok pilai i kam long:
Kanage Tok Pilai
P.O. Box 1982,
Boroko, NCD
Port Moresby.
Email:
jwilson@wantok.com.pg

No mekim bikpela wok, tasol bai kamap ris

Dia Laipain
MI kisim pinis planti pas long wanpela fainensel institusen bilong ovasis i askim mi long kamap wanpela memba. Papa bilong institusen i rait pinis long mi 5-pela taim, taim mi no givim bekim long askim bilong em long mi salim K10,000 i go long em. Em i laikim bai mi transferim dispela mani i go long beng akaun bilong em.

Taim mi salim pinis mani long beng na mi kamap fainensel memba, bai mi kisim US\$1 milion. Mi no klia sapos bai mi salim mani o bilip long ol kain pas i kam long ovasis institusen. Mi laikim stia tok bilong yu long helpim mi long mekim disisen bilong mi.

TRUTH SEEKER

Dia Pren
MIPELA i wari long harim dispela long yu, na yu paul long dispela kain promis olsem bai yu kisim bikpela mani na kamap ris kwiktai long PNG na ovasis. Mipela i harim pinis na i wok long harim yet long sampela ol fainensel skim bilong ovasis i laikim bai ol PNG i go insait long ogenaiesen bilong ol. Em i wok long kamap long kantri bilong yumi tu.

Mipela i bilip olsem man i laki long mekim bikpela mani hariap long sotpela taim. Tasol pastaim, glasim ol pas yu kisim na ol promis long kisim bikpela mani bihain tasol yu peim K10,000.

Pren, bipo yu go het long huk ap wantaim ol o nogat, mipela i laik putim sampela askim long yu.

Dispela fainensel institusen i bin kisim nem na etres bilong yu olsem wanem na ol i wok long salim ol pas i kam long yu? Taim yu ritim ol dispela pas, yu save gat wanem kain tingting?

Sapos yu tromoim K10,000, yu bilip olsem bai yu kisim mani ol i

promisim yu long en? Yu save tu long ol narapela lain i bin go insait long kain skim olsem na em i kisim mani we skim i promisim ol long en?

Wanem samting bai kamap sapos yu salim K10,000 long dispela kain skim tasol yu no kisim mani we ol i promisim yu long en?

Long dispela kain skim long PNG o long ovasis we ol i save promisim bikpela mani, mipela i askim yu sapos yu ken karimaut wok painim long em bipo yu go het na salim mani bilong yu i go long ol. Mipela i wok long lukim planti lain husat i bilip olsem dispela em i rot long mekim planti mani na kamap ris hariap.

Sori, tasol em i tru na planti lain long PNG i bungim hevi long ol dispela kain mani skim. Yu laik kamap wanpela bilong ol? Mipela i givim yu sampela eksampel long ol dispela, kain olsem U-Vistrak, Mani Rain na ol narapela moai kamap pinis long PNG. Ol i stap we nau? Sapos yu no laik go insait long ol dispela kwik mani bisnis, mipela i tokim yu nau long lus tingting long salim mani bilong yu long kain mani skim ovasis.

Yu no wok long bekim ol pas bilong ol i min olsem samting i wok long tokim yu long noken, na ol samting i no tru. Tasol mipela i tokim yu long glasim gut wanpela moa taim wanem samting yu laik mekim wantaim mani bilong yu.

Pren, yu yet yu save hau yu kisim mani na i moabeta yu yusim dispela mani long kisim gutpela samting long laip bilong yu na ol narapela lain famili bilong yu.

Mipela i save olsem i no olgeta fainensen institusen long PNG na ovasis i no gutpela. Tu, mipela i luk-save olsem planti ol kain skim i kamap long PNG na wol tude. Na sampela bilong ol i gutpela na sampela i nogat.

Long dispela na Gavana bilong Beng bilong PNG i save putim ol pablik awenes long ol mani skim bisnis,



wanem ol i trupela na wanem bai yumi mas lukaut long ol. Tasol maski ol tok lukaut olsem i kamap, pipel i no harim tok na ol i go het joinim ol skim na tude, ol i weit yet na pre i stap long kisim kaikai bilong ol long ol mani skim.

Mipela i strongim yu long save long Papa God husat i bilip long ol dispela husat i wok hat long kaikai wantaim mani ol i hat wok long kisim. Tasol em i no save givim blesing long ol lesman.

Las em, yu gat mani tasol i moabeta yu tingting gut na investim gut mani bilong yu na yu na famili bilong yu bai kisim gutpela blesing.

Mipela i lusim yu wantaim dispela Baibel Ves long Buk bilong Provebs Sapta 20 es 18. Em i tok "Kisim gutpela stiatok na bai yu mekim gut, noken go long pait sapos yu no wokim plen". I moabeta yu kisim helpim long wanpela fainensel institusen long kisim stia long rot we yu wok hat long kisim.

God i ken givim yu gutpela save.

Laipain

Sapos yu gat wari o hevi, rait i kam long dispela etres: Lifeline Counselling Services, P O box 6047, BOROKO, National Capital District, PNG. Yu ken ringim opis long telepon namba 3260011 o 3261680. O sapos yu stap long NCD, kam na lukim mipela long opis bilong mipela long Waigani. Mipela i no inap putim trupela nem bilong yu long niuspepa, tasol mipela bai putim ol wari na hevi bilong yu.

Laipain



Nesenel Gavman Givim Sapot Yet long Ramu NiCo Projek

N ESENEL Gavman i sanap strong yet long sapotim Ramu NiCo Projek na i laik lukim tupela distrik we Projek i stap long en em, Usino-Bundi na Raikos na tu Madang provins i kisim helpim yet i kam long dispela wanpela nikel-kobalt projek tasol long provins.

Long soim sapot bilong en, Nesenel Gavman aninit long Ramu NiCo Projek memorandum ov agrimen (MOA) stat long 2011 i kam 2014 i givim K13 milien long ol infrastraksa divelomen insait long dispela tupela distrik na provins.

Mista Carter Oiee, Ramu Project Kodineta wantaim Mineral Risoses Atoriti (MRA) i tokaut long dispela las wiken long wanpela bikipela miting wantaim ekting Minista bilong Maining, Wera Mori, projek divelopa Ramu NiCo, siaman bilong 4-pela lenona asosesin (LOA), Madang provinsal gavman, Leba na Industrial Rilesens na ol arapela stekholda long Madang.

Dispela miting long las wiken i kamap bihain long sampela toktok i no stret em Membra bilong Usino-Bundi, Anton Yagama i mekim. Long toktok bilong Mista Yagama, em i tok olsem Nesenel Gavman na Ramu NiCo i no kamapim ol wok aninit long agriman na dispela i kamapim hevi long KBK Main long Ogas 4. Mista Yagama i no bin stap long dispela miting las wiken.

Mista Oiee i tok Nesenel Gavman i bihainim ol komitmen bilong en na bringim kamap namba wan hap wok long stretim Raikos Haikul wantaim moni-mak olsem K1.1 milien. Namba tu hap bilong wok long stretim Raikos Hai Skul i lukim Nesenel Gavman i givim K1.26 milien, na wok ya i pinis long mun Ogas long dispela yia.

Em i tok tu olsem wok long wokim kamap nupela Ganglau Helt Senta em go het yet na Nesenel Gavman i givim K2.8 milien.

"Mipela long Gavman i wokim kamap 8-pela haus bilong ol polisman long Walium, mipela baim tupela polis kar, mipela putim mani long stretim Not Rot long Banu i go long Daunagar, na givim mani long stretim Saut Rot stat long Banu i go long Brahman, na tu mipela givim mani long stretim Walium polis ste-

sen," Mista Oiee i tok.

Em i tokaut tu olsem i no long taim i go pinis MRA i bin givim wanpela kontrak i go long lenona kampani, KBK Limited long wokim kamap 15-pela haus long Enekuaiu na Danagari we moni-mak bilong en em K2.5 milien. Antap long dispela Gavman i givim K500,000 long konstraksen bilong Baiya bris long Usino-Bundi distrik.

Mista Oiee i tok Nesenel Gavman i bin givim K2.8 milien olsem Lenona Asosesin Grent stat long yia 2000 inap nau, na taim Kampani bai peim royalty. Gavman i givim tu K1milien olsem Bisnis Divelopmen Grent long yia 2009.

Mista Oiee i tok olsem Nesenel Gavman i wokim komitmen pinis aninit long MOA long kamapim ol bikipela projek olsem stretim rot namel long Banu/Brahman/Pandambai/Mondia rot long Usino-Bundi distrik, na tu Erima/Basamuk/Saidor rot, bris na ol riva krosing long Raikos distrik. Antap long dispela i gat komitmen i stap long wokim kamap Usino/Yal/Kokun/Trens-Gogol Haiwe, Basamuk taun/industrial growth senta na Usino taun/industrial growth senta

Mista Oiee i tok dispela ol projek bai gat fisibiliti stadi i kamap long en insait long 2015 Nesenel Baset. Bihain long fisibiliti stadi i kamap ripot bai go long Nesenel Gavman long givim mani long kamapim wok long 2016 na projek wok stret bai i kamap.

Em i tokaut olsem ol komitmen o wok Nesenel Gavman i mas wokim aninit long MOA i kamap pinis, tasol ol arapela ino yet em bai lukluk long en na kamapim wok stet bihain.

Ramu NiCo Projek long las wiken i givim ripot bilong en long ekting Maining Minista, Mista Mori olgeta wok em i wokim aninit long 2000 MOA na nau em i stap strong yet long wok long 2013 rivais MOA.

Ramu NiCo Komyuniti Afes Jeneral Menesa, Martin Paining i tok planti long ol Sosel Ekonomik Divelopmen Program (SEDP) aninit long MOA na ol spin-of helpim olsem medikal na edukesen komitmen aninit long MOA em Kampani i givim pinis na i bai go het yet long

wokim kamap.

Ekting Minista, Mista Mori i amamas long presentesen bilong olgeta lain long las wiken na i laikim olgeta lain long stretim wanem ol hevi i stap bipo long arapela hevi ken i kamap.

Mista Mori i askim divelopa Ramu NiCo (MCC) long wok klostu wantaim Madang provinsal gavman long stretim ol hevi long provinsal level na wok bung long lukim olsem Projek i bringim gutpela helpim na sevises i go long ol pipel.

Mista Mori i askim olgeta lenona kampani insait long Ramu NiCo Projek na ol lida bilong ol long menesim gut wanem wok i kamap na bisnis i ken gro na divelopa bai luksave na sapotim ol.

Ekting Provinsal Edministreta bilong Madang, Daniel Alo i tokaut olsem edministresen bilong Madang bai wok klostu wantaim olgeta lain pati insait long Projek.

Mista Alo i tokim ol lain papagraun na Nesenel Gavman olsem Madang Provinsal Edministresen bai wokim kamap wanem samting em i mas wokim o komitmen bilong en long Ramu NiCo Projek.

Siaman bilong KBK Lenona Asosesin (LOA), Mathew Dengua i tok amamas long Nesenel Gavman long luksave na kamapim ol wok insait long komitmen bilong en aninit long MOA. Ol dispela projek i bringim gutpela helpim long ol lokal pipel long Projek eria.

Raikos hai skul meintenens em bikipela helpim Gavman i helpim insait long Ramu Projek.

Presiden bilong Ramu NiCo, Mista Wang i sainim kontrak i go long ol KBK papagrun.



Mista Cater Oiee bilong MRA tokaut long wok Nesenel Gavman i wokim.



Ekting Maining Minista Wera Mori na KBK LOA siaman Mathew Dengua i skelim tingting long MOA miting las wiken.



salens bilong graun na masin bilong mekim wok.

Ol dispela namba i soim kliia mak bilong wok mipela i pinisim:

- Moa long 4.5 milian kubik mita bilong graun wok i pinis
- Klostu 195,000 kubik mita simen i silip pinis
- Klostu 48,000 tan stil bilding i sanap, hap long ol em ol nupela
- Moa long 2,000 yunit masin i sanap redi
- Moa long 227 kilomita bilong baret na proses paip i silip (antap long 135 kilomita slari paiplain)

'Wanpela Ramu NiCo, Wanpela Komyuniti'

RAMU NICO **Ramu NiCo redi long givim**
 Insait long moa long tupela yia, Ramu NiCo i sanapim pinis malti bilian Kina Ramu Nikel Projek, na nau mipela i redi long komisanim.
 Bihain long mipela i kisim olgeta tok orait na stretim ol teknikal wok redi, Ramu NiCo i go het wantaim bikipela wok konstraksen long namba tu hap bilong 2008. I kam inap nau, olgeta bikipela konstraksen wok long Krumbukari main sait na Basamuk rifaineri i pinis, na projek i stap redi long kisim komisanim o tok orait long mekim wok. Long wol tu, dispela kain hariap sanapim em i no kamap bipo long wanpela kain bikipela projek olsem, na i daunim olgeta

Rijonal developmen woksop bai helpim ol egrikalsa na bisnis lain

FOAPELA de rijonal ekspot developmen woksop bai kamap long Lae International Hotel, Morobe Provins long strongim na givim moa save long ol bisnis lain husat i save mekim ol samting na salim i go ovasis, moa yet long menufek-saring, egrikalsa na fiseris sekta.

Investment Promotion Authority (IPA) na Pacific Islands Trade & Investment (PT&I) long Geneva long Swiselan wantaim Centre for the Promotion of Imports from Developing Countries (CBI) long Holan i wok wantaim long kamapim dispela woksop.

Pacific Forum Secretariate long Suva, Fiji bai lukautim dispela woksop long Lae International Hotel bai stat long Oktoba 6 na pinis long de namba 9.

Ol sampela bikpela samting ol bai toktok long dispela woksop em long rot we Pasifik i bihainim long maket na ekspotim o salim ol kaikai samting i go long Yurop.

Woksop bilong tupela de, em de namba 6 na 7 Oktoba bai lukluk long dispela eria.

Dispela eria bilong woksop bai helpim ol bisnis lain long bildim na konek wantaim ol netwok long ekspotim ol samting na tu, go insait long ol nupela maket.

Ol PNG bisnisman bai kisim gutpela helpim bikos woksop bai givim ol sans long painim ol maket long

Australia, Saina, Nu Silan na Yurop.

Tu, ol i lainim save long painim maket long wan wan eria bilong ol, rot long wokim prais long salim i go ovasis na putim ol bren o lebol long ol prodak.

IPA Menesing Dairekta, Ivan Po-maleu, i tok as tingting bilong holim dispela woksop em long strongim ol asples bisnis long sapotim ol ogenaisesen olsem ol ki komoditi bot, ol ogenaisesen i save lukautim ol ekspot na tred sekta, bisnis developmen ogenaisesen na ekspot sekta long PNG wantaim tingting long mekim i go bikpela ol kaikai we ol i save ekspotim o salim i go long Yuropien Yunien.

Ol eria ol i tagetim long dispela woksop em kopi, kakau, kokonas, welpam na ol spais sekta.

IPA i salim pinis ol invitesen i go aut long ol ogenaisesen we dispela woksop i taget long ol, ol ki gavman institusen na ekspot sekta.

Ol kampani o bisnis i laik stap long dispela woksop i ken kontekim Maketing & Ekspot Promosen tim long IPA long telepon namba 3084467/4486 o long email :kpep@ipa.gov.pg o steward@ipa.gov.pg long kisim moa toktok long ol registresen fom. Detlain bilong rejista em Septemba 22, 2014.

Ol Ili waswas papagraun i no amamas

WES NU Briten Provins em i papa bilong welpam we ol bikpela plantesen i stap long en.

Wanpela papagraun lain bilong Ili-wawas Oil Palm Plantesen projek long Pomio Distrik i kros bikos ol i tok provinsal na nesanel gavman i no helpim ol long ol bikpela infrastraksa olsem bildim na stretim ol bris long wanpela join ventsa Oil Palm projek ol i wok long em wantaim developa, Tzen Niugini kampani grup.

Projek eria i karamapim tupela lokal level gavman eria na i gat planti bikpela wara i save mekim hatwok long pipel long kisim ol sevis.

Minista bilong Tred, Komes na Indastri, Richard Maru i bin raun i go long hap na ol pipel i bin autim wari, i no amamas na bel kros bilong ol na tok ol narapela distrik long Is Nu Briten Provins i wok long kisim mani sapot long provnsal na nesanel gavman, tasol ol i no gat.

Minista Maru i bin lukluk raun i go long projek eria long las wik long sekim projek pastaim praim minista na lain bilong em i go long eria long opim nupela 25 ton long wanpela awa welpam mil long Oktoba 22, 2014.

I gat bilip olsem investa i tromoim moa long K120 milien long 8-pela krismas i go pinis, tasol gavman i no givim wanpela sapot long helpim na wokim bris bikos dispela em i bikpela samting namel long welpam mil, estet na wof o bris i stap long narapela sait bilong wara.

Minista Maru i bin tokim pipel olsem dispela em wanpela bikpela sem pasin long gavman bikos em i no inapim projek agrimen em i mekim wantaim investa, tasol em bin tok em bai toktok wantaim ol narapela minista na praim minista bipo em i go opim nupela mil.

Ol i no wokim 100 mita bris antap long Wuwut Wara bikos gavman i no givim mani long mekim dispela wok.

Nau kampani i wok long askim gavman long K5 milien bilong wokim 100 mita bris antap long Wara Wuwut long karim ol krud wel ol i prosesim o mekim pinis na redim long kisim i go long wof long salim i go aut.

Kampani i gat 4-pela wik tasol long pinisim bris bipo praim minista i go opim bris.

Taim Minista Maru i autim bikpela tok tenkyu i go long TzenNiugini kampani grup long stap isi na mekim wok long bildim ol sios, ol klasrum na haus sik, em i tok em i no lukim wanpela kampani olsem long dispela kantri, o long ol narapela welpam projek. TzenNiugini na kampani grup i singaut long nesanel gavman long bildim gutpela wof o bris we ol i ken salim ol welpam i go ovasis, na karim ol samting i kam long projek eria.

Projek i karamapim 5,000 hekta i karim kaikai, na narapela 7,000 moa ol i wok long developim yet. Kampani i gat 1,000 woklain na bai kisim moa woklain na kisim namba i go long 2,000 long skruim wok i go moa na developim 7,000 hekta graun.




INVESTMEN TOKTOK *wantaim* HERMAN MALIR na ROY MUMU

Nambawan Supa save skelim krediting reit long olgeta yia olsem wanem?

Sapos yu gat sampela askim, salim kam long toktoksuper@nambawansuper.com.pg na mipela ken givim ansa.

Long 2013 Nambawan Supa kreditim 11.25% go long ol memba bilong em. Dispela em i makim olsem 0.25% moa long 2012 we i bin 11%.

Long 10 yias go pinis mak bilong krediting reit ol memba save kisim i sanap olsem 14% wan wan yia.



Krediting reit bilong Fan save bihainim amas mani em save mekim long ol invesmen bilong em. Em olsem yumi noken putim olgeta kiau long wanpela basket.




Long las yia, domestik ekwiti bin mekim gut long sait bilong Westpac na SP Brewery. Intanesenel ekwiti bin mekim gut tru na pundaun bilong Kina bin helpim tu long dispela. Ol propetis i no mekim gut tumas long wanem ol prais bilong konstraksen bin go antap na tu long bikpela kos bilong stretim na lukautim ol olpela bildings.

Long pinis bilong olgeta yia rekot bilong olgeta potfolio em Fan i save stretim na kamapim amas mani Fan bai i ken peim go long ol membas bilong em olsem interest krediting reit.

NSL Bod na Benk ov Papua Niugini bin oraitim pinis interes krediting polisi we i oraitim NSL long mekim sampela liklik senis long stretim amas interes bilong peim ol membas. Dispela i min olsem NSL ken holim bek sampela win mani long ol gutpela yias long helpim na stretim ol yia we ino gutpela tumas. Ol memba bai kisim ol wankain gutpela interes isi tasol (ret lain i soim) na liklik hevi (blu lain i soim)

Em i olsem sevim mani long taim nogut i kam bihain!



Long kamap Nambawan pren bilong yu na famili; halivim, strongim na lukautim moni gaden bilong yu nau na bihain.

BIKPELA, GUTPELA, I SEIF, STRONGPELA NA EMI NAMBAWAN

BSP skul kriket kamap long Tubuseria

Isaac Liri i raitim

PLES Tubuseria long Sentral Provins i bin go pas long lukautim Bank South Pacific (BSP) Skul Kriket Blast long las wiken.

Dispela tonamen i lukim ol yangpela mangi na meri bilong tripela skul i soim save bilong ol long pilai kriket. Ol dispela tripela skul em Gabagaba Praimeri, Gaire Praimeri na Tubuseria Praimeri.

Tubuseria Praimeri i bin winim anda 13 na anda 15 divisen bilong ol mangi. Gaire

Praimeri winim anda 13 divisen bilong ol meri, na Gabagaba Praimeri winim anda 15 divisen bilong ol meri.

Developmen opisa bilong Cricket PNG long Sentral Provins eria wan, Livingstone Sibona, i tok dispela junia tonamen i bin kamap gut tru.

"Dispela tonamen i em i givim gutpela ekspiriens long ol manmeri husat i stap long Tubuseria. Ol skul pikinini, ol tisa na ol manmeri husat i givim sapat long dispela tonamen i lukim planti yangpela mangi na meri husat i

gat talen long pilai kriket.

Ol dispela yangpela pikinini i nidim ol kriket program olsem BSP Skul Kriket Blast long helpim ol long developim ol yet na kamap ol gutpela pilai long taim bihain," Mis Sibona i tok.

Em i tok tenk yu tu long ol geta manmeri, na ol komyuniti lida bilong Tubuseria long mekim dispela tonamen i kamap gut.

Long mun Julai i kam inap long Septemba, Cricket PNG i lukim olsem BSP Skul Kriket Program i pulim klostu long 3000 pikinini.



Yangpela meri Tubuseria soim stail bilong em long bet

Tura amamasim planti lain long ol provins

TRIPLELA provins insait long Papua Niugini i bin amamasim Indipendens wantaim maskot bilong 2015 Pasifik Gems, Tura.

Madang Provins, Isten Hailens Provins na Nu Ailan Provins.

Raun bilong Tura long dispela tupela provins i bin lukim ol manmeri na pikinini i amamas tru na resis long kisim poto wantaim Tura.

Planti bilong ol dispela manmeri long ol dispela provins i luksave olsem ol i gat wanpela sans tasol long lukim Tura bipo long bikpela pilai i kamap long neks. Ol i no westim taim long soim amamas bilong ol.

Bihain long Tura i lusim Isten Hailens, em i bin go long Kavieng na amamasim Indipendens wantaim ol pipel long hap.

Raun bilong Tura i bin lukim ol provinsal edministresen, ol lain bilong komyuniti developmen na memba bilong Kavieng na Minista bilong Pablik Entaprais na Stet Invesmen, Ben Micah, i kam aut na amamas wantaim Tura.

Indipendens selebresen long Tapias Praimeri Skul long Sentral Nu Ailan i bin kamap olsem wanpela bikpela selebresen we ol pipel long hap i no lukim bipo long laip bilong ol, na ol bai no inap lustingting long dispela ekspiriens.

Eksekutiv Maketing Menesa bilong Pasifik Gems Ogenaising Komiti (GOC), na lida man bilong raun bilong Tura, Ken Siminji, i tokim ol manmeri long Tapias Praimeri Skul olsem ol i laki tru long lukim Tura long dispela bikpela de bilong kantri.

Bipo long Tura i go long Kavieng em i bin stap long Madang na ran long Haiwei i go antap long Goroka, laki tru dispela ran bilong Tura i bin kamap bipo long ol pipel bilong Barola long Isten Hailens i pasim rot.

Long Isten Hailens, Tura i



Tura amamas wantaim ol pipel bilong Nu Ailan provins.

bin raun i go lukim ol wok manmeri bilong PNG Power long Yonki, na ol skul pikinini bilong Yonki Praimeri Skul. Bihain em i go long Kainantu na amamas wantaim ol pipel bilong hap.

Sampela ol manmeri bilong ol ples long Isten Hailens i bin paol taim ol i lukim Tura. Sampela husat i save long Tura na as bilong raun bilong em, i tokim ol pipel long hap olsem Tura i wok long bringim bikpela toksave long ol manmeri bilong Papua Niugini olsem bikpela pilai, Pasifik Gems, bai kamap long neks yia.

Long Goroka Kalsa So, Gavana bilong Isten Hailens, Julie Soso, i bin stap lon hap, na i tok bikpela welkam long Tura.

Tura i bin go raun long Kimbe bihain long em i pinisim Indipendens raun bilong em long Madang, Goroka na Kavieng.

Tura wantaim Ben Micah na ol sumatin bilong Tapias Praimeri Skul.



Gerehu sevens kamap gut

Isaac Liri i raitim

GEREHU Sevens we i bin kamap long las wiken i bin lukim planti eksen pilai tru na ol manmeri husat i bin pasim taim long lukim dispela tonamen i bin amamas tru.

Bipo ol i save tok Gerehu em hap nogut, na em i ples bilong ol raskol, tasol sapos yu man o meri husat i bin stap long lukim dispela sevens tonamen, bai yu lukim olsem no gat wanpela bikpela hevi i kamap na ol geta samting i ran gut tasol.

Gerehu Cowboys em tim husat i bin lukautim dispela tonamen, na sponsa bilong ol SLS, i bin stap olsem namba wan sponsa.

Ol tim husat i bin pilai long dispela tonamen i bin kam long planti provins long Papua Niugini na ol i bin amamas tru long stap bilong ol na long ol oge-naisesen husat i bin go pas long kamapim dispela tonamen.

Ol sampela biknem ragbi seven tim husat i bin pilai long dispela tonamen em Black Orchids bilong Bogenvil, Kimbe Rebels, Unitech Reds na planti moa.

Gerehu Cowboys i bin pilai wantaim PNG Gold long kap gren fainel na PNG Gold i bin win. Long Plet fainel ol Kimbe Rebels i winim ol UPNG Piggies, na long Bowl ol mangi Motlok i winim wanpela tim bilong Difens.

Man husat i kisim awod bilong skoim planti trai em Wesley Vali bilong PNG Gold. Wesley i bin kisim awod bilong man husat i skoim planti poin tu.



FAINOL WIK TU SKOA na WIK TRI DRO

Fraide: Septemba 19, 2014



Allianz Stadium

Roosters 31 Cowboys 30



Sarare: Septemba 20, 2014



Allianz Stadium

S/Eagles 17 Bulldogs 18



RABBITOHS: Dispela wik ol Rabbitohs bai salensim ol Roosters. Pasin birua bilong dispela tupela tim em i bilong bipo yet.

BURGESS: Strongpela prop bilong Rabbitohs, Sam Burgess, i redi long salensim ol Roosters.

PRELIMINARI FAINOL DRO

Fraide: Septemba 26, 2014

7:55pm ANZ Stadium



Rabbitohs V^s Roosters



Sarare: Septemba 27, 2014

7:55pm ANZ Stadium



Panthers V^s Bulldogs



ROOSTERS: Roosters, ol sempion bilong las yia i gat bikpela laik long win gen long dispela yia, tasol, pilai bilong ol long las wik na wik antap i no bin gutpela tumas.



SPOT RAUN
wantaim
Scott Vavine

Planti yangpela spot manmeri i stap long ples

PNG Spot Federesen i gat bikpela wok tru long mekim insait long kantri long sait bilong strongim ol yangpela spot manmeri.

Populesen bilong kantri i wok long kamap bikpela na 80 pesen bilong ol manmeri long kantri em ol yangpela. Sampela i stap long taun na planti i stap long ples.

70 pesen bilong ol dispela yangpela manmeri i stap long ples.

Taim yumi toktok long ol yangpela, mi skelim olsem planti ol yangpela long ol ples i gat save long pilai spot, na ol i ken trening na go pilai long intenesenel level tasol asua em olsem ol i no gat rot long go pilai long ol dispela hap.

Ol ogenaísesen o komiti husat i save go pas long lukautim ol yangpela spot manmeri i mas stretim gut rot bilong ol.

Mi save olsem planti yangpela husat i save stap long taun i save pilai long ol kompetisen long olgeta yia na ol i save kisim luksave long media na ol bikpela spot ogenaísesen bilong kantri i save luksave long ol.

Ol yangpela long ples i nidim ol bikpela spot ogenaísesen long lukluk long ol tu. Ol i laikim luksave long spot tasol no gat man i luksave long ol na ol i stap hait tasol

Ol bikpela spot ogenaísesen long kantri i no wok long lukluk strong long painim ol yangpela spot manmeri husat i gat save long spot na i stap long ples.

Tenkyu long rit na lukim yu neks taim gen.....



PANTHERS: Jamie Soward na James Segeyaro em tupela pilai bilong Panthers husat i save setim planti trai. Panthers bai nidim tupela long dispela wiken taim ol i salensim ol Bulldogs.

BULLDOGS: Ol Bulldogs i mekim ol arapela tim i kirap no gut taim ol i winim Broncos na Manly. Nau ol bai pilai long semi-fainel.

OI spot poto long wiken...

OI Poto
Isaac
Liri.



OI awod bilong ol Hunters i sindaun long tebol na wetim ol sponsa long givim long ol top pilaia bilong Hunters long dispela yia.



KEPTEN ELIAB: Kepten bilong ol Hunters Israel Eliab i kisim awod olsem top beks. Antap long dispela em i kisim ol arapela awod tu.



TOP MAN BILONG PUTIM TRAI: Garry Lo em top man bilong putim trai bilong ol PNG Hunters olsem na ol sponsa bilong Hunters i luksave long wok bilong em, na ol i givim em awod.



STRONGPELA FOWOD: Strongpela fowod bilong ol Hunters long dispela yia em Sebastian Pandia.

Wartovo; Nambawan pilaia bilong Hunters, 2014

Isaac Liri i raitim

HUKA bilong ol PNG hunters, Wartovo Puara, em man husat ol sponsa i makim olsem namba wan pilaia bilong tim long Intrust Super Cup 2014.

Wartovo i gat 24 krismas na em i bilong Is Nu Briten. OI i makim em long dispela yia bikos em i bin kisim planti Man of the Match awod long ol gem na em i helpim Hunters long winim planti gem, na tu, em i skoim planti trai.

OI arapela pilaia olsem Israel Eliab, Willie Minoga, Garry Lo na Noel Zeming i bin mis aut long kisim awod bilong nambawan pilaia. OI i bin kisim ol arapela awod nabaut.

Noel Zeming i kisim awod bilong pilaia husat i kisim planti poin, Garry Lo kisim awod bilong skoim planti trai, Sebastian Pandia kisim awod bilong strongpela fowod, Israel Eliab kisim awod olsem top beks, Stanton Albert kisim yangpela pilaia bilong yia, na Adex Wera kisim Boroko Motors awod bilong Siaman.

OI arapela pilaia bilong Hunters i kisim ol arapela awod tu.

Siaman bilong Papua Niugini Ragbi Futbal Lig (PNGRFL), Sandis Tsaka, i tok ol Hunters i mekim gut long dispela yia. OI i mis aut long pilai long fainel bikos ol i sot long wanpela poin tasol, na dispela em gutpela risal bilong wanpela nupela tim

long kompetisen.

OI sponsa i bin mekim bikipela wok tu long helpim ol Hunters i pilai gut. Justin Tkatchenko, Spot Minista, i makim maus bilong Gavman na givim K1.5 milien i go long Hunters long sapotim ol long neks yia.

National Gaming Control Board (NGCB) i givim moa long K2 milien tu long sapotim ol Hunters.

Mista Tsaka i tok bikipela tenk yu long ol sponsa na ol manmeri bilong Papua Niugini long sapot bilong ol long dispela yia.

Plantilong ol pilaia bilong Hunters i stap insait long skwat bilong Praim Minista 13 Kumul husat bai pilai egensim Australia long Kokopo.



Wartovo Puara i kisim awod bilong em.

TOKSAVE: Salim ol spots dro bilong yu kam long Feks; 325 2579, e-mel;bveo@wantok.com.pg o kam lusim long Wantok Niuspepa opis long Able Building Complex long Central Waigani, NCD.



Moa oil na meat insait

TUNA IN OIL

Gerehu sevens kamap gut - P25

Preliminari fainol - P26



Ol spot poto - P 27

Gavman amamas long Hunters

Tkatchenko givim K1.5 milien long sapotim Hunters neks ya



Spot Minista Justin Tkatchenko i sanap wantaim ol PNG Hunters.

Isaac Liri i raitim

MINISTA bilong Spot, Justin Tkatchenko, i makim maus bilong Gavman taim em i tok tenk yu long ol Hunters long strongpela pilai bilong ol long Intrust

Super Cup long dispela yia.

Minista Tkatchenko i bin mekim dispela tok long bikpela kaikai bilong ol Hunters long las wiken long Pot Mosbi.

Minista i tok em i no bin ting olsem ol Hunters bai

pilai strong, na pinis namba 6 long lata. Em i tok pefomens bilong ol i soim olsem yumi long Papua Niugini i gat talen long pilai ragbi lig long Australia, na long ol arapela ples long wol.

"Dispela i soim olsem

yumi mas noken daunim yumi yet," Minista Tkatchenko i tok.

Minista Tkatchenko i tok gavman i putim long baset K1.5 milien long sapotim ol Hunters long neks yia.

Em i tok tenk yu long

Siaman na CEO bilong Papua Niugini Ragbi Futbal Lig (PNGRFL), Sandis Tsaka na Brad Tassell, ol sponsa bilong Hunters, ol midia, na olgeta sapota na manmeri husat i givim sapot bilong ol.

Featured Products

- *Treated Mosquito Nets Prevents Malaria
- * Visitect Tests for Malaria
- * Arterakine Tablets Treat Malaria (artemether & piperaquine phosphate)

Good Products, Better Prices, ikam long.



Johnstons Pharmacies Ltd

Phone 325 3185 Fax 325 0190 Email sales@johnstons.com.pg